

新刻臨川介甫王先生文集卷九十二

墓誌

戶部郎中贈諫議大夫曾公墓誌銘

卷九十二

公諱致堯字其臣其先封鄆鄆亡去邑為氏莽亂

都鄉侯據棄侯之豫章家之蓋豫章之南昌後分為

南豐故今為南豐人其徙為宜州刺史再世生其旺

贈尚書水部員外郎公考也李氏有江南撫州上公

進士第一不就太平興國八年乃舉進士中第選主

符離簿歲餘授興元府司錄道遷大理評事遷光祿

寺丞監越州酒召見拜著作佐郎知淮陽軍將行天

子惜留之直史館賜緋魚袋使自汴至建安軍行漕
詔曰凡三司州郡事有不中理者卽驗之最鈞得匿
貨以五百萬計除祕書丞兩浙轉運副使改正使始
諫議大夫知蘇州魏庠侍御史知越州王柄不警於
政而喜怒縱入庠介舊恩以進柄喜持上公到効之
以聞上驚曰曾某乃敢治魏庠克畏也克畏可畏也
語轉而然庠柄皆被絀楊允恭督楊子運數言事多
可人厭苦之公每得詔曰使在外便文全已非吾心
也輒不果行允恭告上上使問公公以所守言
上繇此薄允恭不聽言苛稅一百三十餘條罷之移

知壽州壽俗挾貲自豪陳氏范氏名天下聞公至皆
迎自戢公亦盡歲無所罰旣代空一城人遷行至夜
乃從二卒騎出城去郡轉太常博士主客員外郎
章聖嗣位常親決細務公言之又言民憊甚宜弛利
禁是時羗數犯塞大臣議弃銀夏以解之公奏曰羗
所款屬我我分地王之非計也令羗席此劫宅種以
自助不過二三年患以復起矣宜擇人行塞下先調
兵食待其變而已不報二年羗果反圍靈州議臣請
去靈州勿事公議曰羗所以易拒者以靈州綴其後
也判三司鹽鐵司院天子欲以爲知制誥召試矣

大臣或忌之遷戶部員外郎京西轉運使請限公卿
大夫子官京師陳彭年議遣使行諸部減吏員下其
事京西公曰彭年議無賢愚一切置不用邪抑擇愚
而廢之邪擇愚而廢之人材其可以蚤暮驗邪上
令趣追使還數論事上感之還公既而王均誅命公
撫蜀所創更百餘事李繼遷再圍清遠靈武以丞相
齊賢為邠寧環慶涇原儀渭經畧使丞相引公為判
官公奏記曰兵數十萬王超既以都部署為之丞丞
相徒領一二朝士往臨之超有用吾進退乎吾能以
謀付與超而有不能自將乎不并將西無補也超能

薄此重事願迎審諳丞相又公以為言詔陝西諸將
畧使追兵皆以時赴公曰將在空虛無人之處事薄
而後追兵如後何遂辭行上怒未有所發會召賜金
紫公曰丞相敏中以非公德進官臣論其不可南爾
臣受命事未有效不敢以冒賜固辭上繇此貶公為
黃州團練副使既而超果敗清遠靈武踵亡會南郊
恩復官知泰州丁母夫人陳氏憂外除授吏部員外
郎知泉州公常謂選舉舊制非是請得論改之自言
華子堯咨受請殿士為姦以第畀舉人敗省華堯咨
有邪巧材朝廷皆患惡而方幸無敢斥之者公入十

餘疏辯之移知蘇州至五日移知揚州揚州守職田
歲常得千斛然遣吏督貧民耕民苦之公不使耕
天子方崇符瑞興昭應諸宮且出幸祠公疏言昔周
成王既十世三世十年七百然觀於周禮其經緯國
體人事微細無不具則知王者受命必脩人事以稱
天所以命之之意不舉屬之天以怠人事也終曰

陛下始即位以爵祿得君子近年以來以爵祿畜盜
賊大臣愈不懾移知鄂州封泰山恩遷禮部郎中始
解揚州受添支差多一月公尋自言患公者因復絀
公監江寧鹽酒西祀恩遷戶部郎中以祥符五年五

月下亥疾不起年六十六階至朝請郎勳至騎都尉

遺戒曰母陷於俗媚佛夷鬼以汙我家人之行所著

雙鳧羽翼三十卷廣中台志八十卷清邊前要五十

卷西陲要紀十卷為臣要紀三卷直言集五卷文集

四卷傳於世尤長於歌詠云以其年十一月歸葬南

豐之東園水漬墓天聖元年改葬龍池鄉之源頭始

公娶黃氏生子男三人易占嘗為太常博士以能文

稱公以博士故贈至右諫議大夫公歿八年而博士

子葦生生三十五年輩以博士命次公生平事使來

曰為我誌而銘之某視公猶大父也其少也則得公

之詳如其孫之云始公自任以當世之重也雖人望
公則亦然及遭皇太宗自謂志可行卒之閉於姦邪
彼誠有命焉悲夫亦正之難合也雖其難命其可少
枉乎雖其少枉合乎未可必也彼誠有命焉雖然其
難合也祇所以見正也孔子曰所謂大臣者以道事
君不可則止於戲公之節非度幾所謂大臣者歟銘
曰
既墓而圮乃奔宅原誰來求銘公子與孫公初洎終
惟義之事維才之完而薄于施乃其後人有克厥家
天啓予公非在茲耶

京東提點刑獄陸君墓誌銘卷八十九二

提點京東諸州軍刑獄公事兼本路勸民事朝奉郎
尚書司封員外郎充集賢校理上輕車都尉賜緋魚
袋借紫陸君諱廣字彥博其先吳郡人也至君之高
祖始遷福州之候官以避唐宋之亂曾祖諱景遷仕
吳越為驍騎上將官檢校太傅祖諱崇其以威武軍
觀察推官從其王歸京師官至殿中丞歷知瀘道潮
廣四州以卒考諱中和不仕以君故贈官至尚書職
方員外郎君以天聖二年進士起至皇祐四年某月
以使走齊州某甲子卒於鄆之平陰君子長倩等以

嘉祐四年某月某甲子葬君杭州之錢塘某所之原而書君繫世官職行能勞烈卒葬之地一時以來求誌墓銘曰

於惟陸氏吳郡其始福之候官近自唐徙君曾大考太傅將軍實仕吳越爲皇陪臣太傅有子始來皇朝丞于殿中歷將四州卒葬侯官實生處士贈官職方君實其子維君諱廣彥博其字文辭甲科四府從事起家邵武再選徐州遂監稅酒蒲歲陳留許昌之招寧海之從乃令烏程乃丞開封始佐著作去爲尉氏詠歌仁明無有壯穉移叩太邑告母高年免蜀就養

稅商于泉又移導江千穀千錢君命振之以我公田盜屠民家尉以囚來囚言實盜君曰釋之尉方力氣衆亦莫寤後得真盜果如君慮離堆之江豪右擅焉君脩偃渠始誅其專灌田爲頃萬有七千鐫約示後後無凶年鄭文肅公來治杭劇君以通判往從其辟州人僦屋吏待之輸君爲勅法遂無遺租中書選君御史推直有言朝廷今以爲勅冬狩于郊大講戒兵作箴以獻逆戒荒萌召寘集賢以爲校理當時名氏簡在天天子出知婺州惡吏先鉏募能拯溺民以不漁婺之明年改命治泉泉人習君謹語謹然爲橋南

江濟者免覆置廩州學士懷我育有告衆叛當君燕
時命捕立得坐人不知避饑息窮去害除弊使臣以
聞守政尤異智高螫邊吏不時搏君書驛士焯有方
略歸佐三司廷論南師帝曰可哉汝言予施河京以
東再執刑柄誼囚于齊至鄆而病棄世平陰當五十
三有子四人扶喪而南長倩惟伯仲惟長緒長恕惟
叔季惟長愈倩掾秀州敏有辭章緒由君恩郊社齋
郎又女六人皆出陳氏維陳淑慎善相君子四男有
立女亦有歸受封長安卽養無違爰以嘉祐某年正
月歸君錢塘范村之穴惟君靜深不苟笑嘻降親篤
友遇物愛慈讀書慨然慕古奇偉顧謂君子仕當如
此官止外郎尚書司封又不得年以旣厥庸有文藏
家後世之詒於君所得可以此窺有幽斯窳掩石在
下撰君初終以告來者

廣西轉運使屯田員外郎蘇君墓誌銘 卷八十三

慶曆五年河北都轉運使龍圖閣直學士信都歐陽
倫以言事切直爲權貴人所怒因其孤甥女子有獄
誣以姦利事天子使三司戶部判官太常博士武功
蘇君與中貴人雜治當是時權貴人連內外諸怨惡
脩者爲惡言欲傾脩銳甚天下汹汹必脩不能自脫

蘇君卒白上曰脩無罪言者誣之耳於是權貴人大怒誣君以不直絀使爲殿中丞泰州監稅然天子遂寤言者不得意而脩等皆無恙蘇君以此名聞天下嗟乎以忠爲不忠而誅不當於有罪人主之太戒然古之陷此者相隨屬以有左右之讒而無如蘇君之寂是以卒至於敗亡而不寤然則蘇君一動其功於天下豈小也哉蘇君旣出逐權貴人更用事幾五年之間再赦而君六徙東西南北水陸奔走輒萬里其心恬然無有怨悔遇事強果未嘗少屈蓋孔子所謂剛者殆蘇君乎蘇君之仁與智又有足稱者嘗通判

陝府當葛懷敏之敗邊告急樞密使使取道路戍還之卒再戍儀渭於是延州還者千人至陝聞再戍大恐卽謹聚謀爲變吏白閉城城中無一人敢出君徐以一騎出卒間諭慰止之而以便宜還使者戍卒喜曰微蘇君吾不得生陝人亦曰微蘇君吾其掠歟矣有令刺陝西之民以爲兵敢亡者歿旣而亡者得有司治之以歿君輒縱去而言上曰令民以歿者爲事不集也事集矣亡者猶不赦恐其衆相率而爲盜惟朝廷幸哀憐愚民使得自反天子以君言爲然而三十州之亡者皆不歿其後知坊州州稅賦之無歸

者里正代爲之輸歲幣大家數十君悉鉤治使歸其
主坊人不憂爲里正自蘇君始也蘇君諱安世字楚
得其先武功人後徙蜀蜀亡歸家于京師今開封人
也曾大考諱進之率府副率大考諱繼殿直考諱咸
熙贈都官郎中君以進士起家三十二年其卒年五
十九爲廣西轉運使而官止於尚書屯田員外郎者
以君十五年不求磨勘也君娶南陽郭氏又娶清河
張氏爲清河縣君子台文未州推官祥文太廟齋郎
炳文試將作監主簿彥文未仕女子五人適進士會
稽江崧單州魚臺縣尉江山趙揚三人尚幼君旣卒
之三年嘉祐二年十月庚午其子葬君揚州之江都
東興寧鄉馬坊村而太常博士知當州軍州事臨川
王某爲銘曰
皇有四極周綏以福使維蘇君奠我南服亢亢蘇君
不圜其方不晦其明君子之剛其枉在人我得吾直
誰懟誰愠祇夫之役日月有丘其下冥冥昭君無窮
安石之銘

太子中舍沈君墓誌銘

卷九十一

沈氏世家吳興其後有陵者仕吳越王卒官明州家
之五世而生公公諱兼字子達以五舉進士得同學

究出身再補尉有能名用舉者遷衛尉寺丞知湖之
歸安縣移知邵武之歸化又有能名遷太子中舍通
判蘇州其以能聞愈甚公好開遇事果急不顧計為
通判日與守爭可否不為之小屈重犯轉運使使守
相與害公入之法除名 天子薄其罪免所居官而
已公歸怡怡間為五字詩自戲娛無躁戚言卒于家
年七十三慶曆六年七月也子男一人起女三人起
好學通政事能守節法為進士與某安石同時得科名者
也公之坐獄為判官滁門立弃官從公世以為孝將
以某年某月葬公某處以夫人柳氏祔先三月來求

銘與銘曰

生也不得其須而外外也何有有嘉者子嗚呼已矣
夫

秘書丞張君墓誌銘 卷八十九 三

君諱某字某某其先成都之新繁人曾祖諱某不仕祖
諱某 太宗時以高貲徙內地除三班奉職非與好
也即辭去不仕始家真州之楊子而葬焉皇考諱某
起進士終登州軍事判官贈太常博士生三子而君
長子也君寬和厚重友愛諸弟甚篤待朋友以信而
樂弃財物以寬人之急年七歲日誦書數百言操筆

三陽川文集 卷九十一
爲篇章立就及壯舉進士開封第一遂以釋褐爲宣
州寧國縣主簿會南陵無令州以君行令事有能名
用舉者令潁州之沈丘縣轉著作佐郎知江寧府上
元縣事又皆有能名移知英州遷祕書丞以嘉祐二
年十二月某甲子卒于州寢是時君年四十七天
子官其一子師軻太廟齋郎君之疾病也州人相與
爲君奔走請命至有欲以身代者蓋其得人心如此
夫人河南縣君丹陽吳氏生三男子長卽師軻次某
次某皆尚幼五女皆未嫁某年某甲子葬君某
州之某縣某鄉某所之原余與君相好又同年進士
也故與爲銘曰

嗚呼張公今韡矣其光其先蜀產今後葬于楊視瞻
先人方兆此新塋深泉高壤兮萬世之藏

司封郎中張君墓誌銘

卷九十一 二

君張氏諱式字景則其先建州浦城人後徙建安蓋
弗仕者三世諱漢夫者曾祖也諱謨者祖也諱希顏
者父也父以君貴乃贈尚書職方員外郎有氣節知
君可教乃付家事長子而縱君遊學及長文辭行義
爲鄉里所推天禧二年釋進士褐主福州閩縣簿又
主南劔將樂簿有銀冶坐歲課不足繫者常數百人

君籍其人使富貧財力相兼課遂有羨無繫者無以
勞除開封府祥符縣尉趙稹將并州辟軍事判官稹
所為有不可於衆徐啓諭弗許稹以故聽而君亦以
此稱長者未幾遭母夫人喪服除改秘書省著作佐
郎知福州古山縣耕籍田恩遷太常博士知開封府
咸平縣呂許公罷宰相以許州觀察判官辟從之又
通判饒州獄有十數年不決者君一言而決曾擇河
北吏御史中丞舉君得洛州賜緋魚又以選知虔州
虔於東南州為最劇君能鎮撫之以無事三司市細
絹十餘萬非經數君拒弗市民以君為有賜也又知

非軍作君

濠壽二州人縊其妻而以自殺告獄既具詰立服
州謹以為明居頃召為開封府推官坐拷掠囚死出
知岳州皇祐二年九月六日卒享年六十二官至尚
書祠部郎中君廉靜好書長於政事所居官舉既去
而人思見時事有不便往往能極言之無所忌趙元
昊反時誘人出財助軍誘多得賞於是吏或劫富人
出財君疏罷之為開封推官時宮中以私財為佛寺
置田又疏以為亂法後遂以君言而止既老矣終不
肯治田宅所得祿以置書曰吾子業此足以自活不
然雖田宅何足妻姓徐濮陽縣君子六忝志志思甚

三歸人文集 卷九十二
二
悉熹悉以君故得太廟齋郎與基同時中進士第女
二人皆已嫁某月某日葬君某鄉某銘曰

張祖留侯世窮久幽君始士服起家以學發於州縣
治見稱舉有言朝廷幣事用除維清厥誨尚後弗渝

葛興祖墓誌銘 卷九十二

許州長社縣主簿葛君諱良嗣字興祖其先處州之
麗水人而興祖之父徙居明州之鄞興祖葬其父潤
州之丹徒故今又爲丹徒人矣曾太父諱遇不仕大
父諱盱贈尚書都官郎中父諱源以尚書度支郎中
終 仁宗時度文君三子當天聖景祐之間以文有

學赫然進士中先人嘗受其摯閱之終篇而屢歎葛
氏之多子也既而三子者伯仲皆蚤死獨其季在卽
興祖興祖博知多能數舉進士角出其上而刻勵修
潔篤於親友慨然欲有所爲以效於世者也年四十
餘始以進士出仕州縣餘十年而卒窮於無所遇以
死嗟乎命不可控引而才之難恃以自見蓋久矣然
興祖於仕未嘗苟聞人疾苦欲去之如在己其臨視
雖細故人不以屬耳目者必皆致其心論者多怪之
曰興祖且老矣弊於州縣而服勤如此余曰是乃吾
所欲於興祖夫大仕之則奮小仕之則怠忽以不治

非知德者也興祖聞之以余之言爲然興祖娶胡氏
又娶鄭氏其卒年五十三實治平二年三月辛巳其
葬以胡氏祔在丹徒之長樂鄉顯揚村卽其年十一
月某甲子也興祖三男子四繁蘊皆有文學繁許州臨
潁縣主簿蘊鄧州穰縣主簿滎尚幼也四女子皆未
嫁云銘曰

蹇於仕以爲人尤不愆施以年孰王孰謀無大憾於
德其興祖軒味其非嫂舉數士自出其上而後觀於
九文多子也而三子皆自中皆登五職其季五伯
其補然數士中夫人嘗受其華閱之絲繡而興漢葛
新刻臨川王介甫先生文集卷九十三

墓誌

太常博士曾公墓誌銘

卷八十七 四

公諱易占字不疑姓曾氏建昌南豐人其世出有公
之考贈諫議大夫致堯之碑大夫當太宗真宗
世爲名臣公少以廕補太廟齋郎爲撫州宜黃臨川
二縣尉舉三司法中進士第改鎮東節度推官還改
武勝節度掌書記崇州軍事判官皆不往用舉者監
真州裝卸米倉遷太子中允太常丞博士知泰州之
如臯信州之玉山二縣知信州錢仙芝者有化丐於

玉山公不與即誣公吏治之得所以誣公者仙芝則
 請出御史當是時仙芝蓋有所挾故雖坐誣公抵罪
 而公亦卒失博士歸不仕者十二年復如京師至南
 京病遂卒娶周氏吳氏最後朱氏封崇安縣君子男
 六人畢輦年宰布肇女九人公以端拱己丑生卒時
 慶曆中人也後某之二年而葬其墓在南豐之先塋
 始公以文章有名及試於事又愈以有名臨川之治
 能不以威而使惡人之豪帥其黨數百人皆不復為
 惡在越州其守之合者倚公以治其不合者有所不
 可公輕正之莊獻太后用道士言作乾明觀匠數百
 人作數歲不成公語道士田吾為汝成之為之捐其
 費大半役未幾而罷如臯歲大饑固請於州而越海
 以糴所活數萬人明年稍已熟州欲收租賦如常公
 獨不肯聽歲盡而泰之縣民有復亡者獨如臯為完
 既又作孔子廟諷縣人興于學玉山之政既除其大
 惡而至於橋梁廨驛無所不治蓋公之已試於事者
 能如此既仕不合即自放為文章十餘萬言而時議
 十卷尤行于世時議者懲已事憂來者不以一身之
 窮而遺天下之憂以為其志不見於事則欲發之於
 文其文不施於世則欲以傳於後後世有行吾言者

而吾豈窮也哉蓋公之所爲作之意也寶元中李元
吳反契丹亦以兵近邊陽爲欲棄約者——天子獨憂
之詔天下有能言者皆勿諱於是言者翕然論兵以
進公獨以謂天下之安危顧吾自治不耳吾已自治
夷狄無可憂者不自治憂將在於近而夷狄豈足道
哉卽上書言數事以爲事不爾後當如此旣而皆如
其云公之遭誣人以爲寃退而貧人爲之憂也而公
所爲十餘萬言皆天下事古今之所以存亡治亂至
其寃且困未嘗一以爲言公沒而其家得真遺疏曰
劉向有言讒邪之所以並進者由上多疑心用賢人

而行善政如或譖之則賢人捨而善政還此可謂明
白之論切於今者夫夷狄動於外百姓窮於下臣以
謂尚未足憂也臣之所謂可憂者特在分諸臣之忠
邪而已其大略如此而其詳有人之難言者蓋公旣
病而爲之未及上而終云嗚呼其尤可以見公之志
也夫諫者貴言人之難言而傳者則有所不得言讀
其略不失其詳後世其有不明者乎公之事親心意
幾微輒逆得之好學不怠而不以求聞於世所見士
大夫之喪葬二人逆一人之柩以歸又字其孤又一
人者宰相舅嘗爲贊善大夫歿三十年猶殯殯壞公

爲增修又與宰相書責使葬之此公之行也蓋公之
試於事者小而不盡其材而行之所加又近唯其文
可以見公之所存而名後世故公之故人子王某取
其尤可以銘後世者而爲銘曰
破佛與老
夫辨邪正之實去萬事之例而歸宰相之責合兵爲
農以立天下之本設學校獎名節以材天下之士正
名分定考課通財弊以成制度之法古之所以治者
不皆出於此乎而時議之言如此讀其書以求其志
嗚呼公之志何如也

內翰沈公墓誌銘

卷九十四三

沈氏諱遺字文通世爲杭州錢塘人曾祖諱某
皇贈兵部尚書祖諱某皇贈吏部尚書父扶今爲尚
書金部員外郎公初以祖瘡補郊社齋郎舉進士於
延中爲第一大臣疑已仕者例不得爲第一故以爲
第二除大理評事通判江寧府當是時公年二十人
吏少公而公所爲卓越已足以動人然世多未知公
果可以有爲也祀明堂恩遷秘書省著作佐郎歲滿
召歸除太常丞集賢校理判登聞鼓院吏部南曹權
三司度吏判官又判都理欠憑由司於是校理八年
矣乎居閉門雖執政非公事不輒見也故雖執政初

亦莫知其爲材居久之乃始以同修起居注召試制誥及爲制誥遂以文學稱天下金部君坐免歸來知越州又移知杭州鉅治姦蠹斯禁無不改崇獎賢知得其歡心兩州人皆畫像祠之英宗卽位召還尙當三班院兼提舉兵吏司封官告院兼判集賢院延見勞問甚悉居一月權發遣開封府事公初至開封指以相告曰此杭州沈公也及攝事人吏皆屏息旣而以知審官院遂以龍圖開直學士權知開封府公旦晝視事日中則廷無留人出謝諸客從容笑語客皆怪公獨有餘日而畿內翕然稱治人人如公坐

視其左右於是名實暴耀振發賢臨一時自天子大臣皆論以爲國之噐而閭巷之士奔走談說謹呼鼓舞以不及爲恐會母夫人疾病請東南一州視疾英宗曰學士豈可以去朝廷也明日除翰林學士知制誥克羣牧使兼權判吏部流內銓判尙書禮部公雖去開封然皆以爲朝夕且大用矣而遭母夫人喪以去英宗聞公去尤悼惜特遣使者追賜黃金而以金部君知蘇州公居喪致哀寢食如禮以某年某月得疾杭州之墓次某日至蘇州而以某日卒年四十有三三男子六女中男恭嗣後公六日卒隆嗣延

嗣莫六女皆尚幼夫人陸氏封安定郡君公官右諫
議大夫散官朝散大夫勳輕車都尉爵長安縣開國
伯食邑八百戶有文集十卷公平居不常視書而文
辭敏麗可喜強記精識長於議論世所謂老師宿學
無所不讀通於世務者皆莫能屈也與人甚簡而察
其能否賢不肖尤詳視遇之各盡其理爲政號爲嚴
明而時有所縱舍於善良貧窮撫恤之尤至在杭州
待使客多所濶略而州人之貧無以葬及女子失怙
待而無以嫁者以公使錢葬嫁之凡數百人於其卒
知與不知皆爲之歎惜某年某月某日葬公杭州某

鄉某里銘曰

沈公儀儀德義孔時升自東方其明孰夷視瞻敦舉
無我敢疵正晝而隕嗚呼可悲序傳有史亦在銘詩

王深父墓誌銘

卷九十二四

吾友深父書足以致其言言足以遂其志志欲以聖
人之道爲己任蓋非至於命弗止也故不爲小廉曲
謹以投衆人耳目而取舍進退去就必度於仁義世
皆稱其學問文章行治然真知其人者不多而多見
謂迂濶不足趣時合變嗟乎是乃所以爲深父也令
深父而有以合乎彼則必無以同乎此矣嘗獨以謂

三陽川文集 卷九十三
天之生夫人也殆將以壽考成其才使有待而後顯以施澤於天下或者誘其言以明先王之道覺後世之民嗚呼孰以爲道不任於天德不酬於人而今死矣甚哉聖人君子之難知也以孟軻之聖而弟子所願止於管仲晏嬰况餘人乎至於楊雄尤當世之所賤簡其爲門人者一侯芭而已芭稱雄書以爲勝周易不可勝也芭尚不爲知雄者而人皆曰古之人生無所遇合至其没久而後世莫不知若軻雄者其没皆過千歲讀其書知其意者甚少則後世所謂知者未必真也夫此兩人以老而終幸能著書書具在

然尚如此嗟乎深父其智雖能知軻其於爲雄雖幾可以無悔然其志未就其書未真而旣早死豈特無所遇於今又將無所傳於後天之生夫人也而命之如此蓋非余所能知也深父諱何本河南王氏其後自光州之固始遷福州之候官爲候官人者三世曾祖諱某某官祖諱某某官考諱某尚書兵部員外郎兵部葬潁州之汝陰故今爲汝陰人深父嘗以進士補亳州衛真縣主簿歲餘自免去有勸之仕者軻辭以養母其卒以治平二年七月二十八日年四十三於是朝廷用薦者以爲某軍節度推官知陳州南頓

縣事書下而深父歿矣夫人曾氏先若干日卒子男一人某女二人皆尚幼諸弟以某年某月某日葬深父某縣某鄉某里以曾氏銘曰
嗚呼深父惟德之仔有以畢徂武厥艱荒遐力必踐取莫吾知庸亦莫吾悔神則尚反歸形此土

叔父臨川王君墓誌銘

卷九十二

孔子論天子諸侯卿大夫士庶人之孝固有等矣至其以事親爲始而能竭吾才則自聖人至於士其可以無憾焉一也余叔父諱師錫字某少孤則致孝於其母憂悲愉樂不主已以其母而已學於他州凡被服食飲玩好之物苟可以愜吾母而力能有之者皆聚以歸雖甚勞窘終不廢豐其母以及其昆弟姊妹不敢愛其力之所能得約其身以及其妻子不敢歉其意之所欲爲其外行則自鄉黨鄰里及其嘗所與遊之人莫不得其歡心其不幸而蚤死也則莫不爲之悲傷歎息夫其所以事親能如此雖有不至其亦可以無憾矣自庠序聘舉之法壞而國論不及乎閨門之隱士之務本者常詘於浮華淺薄之材故余叔父之卒年三十七數以進士試於有司而猶不得祿賜以寬一日之養焉而世之論士也以苟難爲賢

而余叔父之孝又未有以過古之中制也以故世之稱其行者亦少焉蓋以叔父自爲則由外至者吾無意於其間可也自君子之在勢者觀之使爲善者不得職而無以成名則中材何以勉焉悲夫叔父娶朱氏子男一人某女子一人皆尚幼其葬也以至和四年祔于真州某縣某鄉銅山之原皇_上諫議公之兆爲銘銘曰
天孰爲之窮孰爲之爲吾能爲已矣無悲

虞部郎中刁君墓誌銘

卷九十一

刁氏於江南爲顯姓當李氏時君曾祖諱某甚貴寵嘗節度昭信軍卒葬昭信城南皇祖諱某亦嘗仕李氏歸朝廷以尚書兵部郎中直祕閣終真宗時其墓在江寧牛首之北後祕閣再世不大遂然多名人在世議中尚書屯田員外郎諱某者葬丹徒於君爲皇考故君爲丹徒人君諱某字某嘗舉進士不中遂用皇祖蔭仕州縣以尚書虞部郎中知廣德軍歸卒于京師年六十一後卒之若干日治平二年二月十五日葬丹徒樂亭村君敦厚謹飭治內外皆嚴以有恩所居官舉其治以此多薦者初娶孫氏後娶郭氏封金華縣君有六男子珉試將作監主簿璠守某縣

令次玘瓌玕珣爲進士三女長嫁尚書屯田員外郎
梁昱餘未嫁銘曰
刁氏南祖奮功以武詒祿于孫有蔚有文君以祖
厥艱初仕祗載不惰有榮于位徂相名原窾此新宮
筮云終吉銘告無窮

王會之墓誌銘

卷九十三

君諱逢字會之姓王氏太平州當塗縣人也嘗舉進
士不中去以所學教授於是蘇州士人從轉運使乞
君主其學學者常致數千百人君所獎養成就者少
矣乃始以進士起家權南雄州軍事判官歸試判超

等補袁州軍事判官留爲國子監直講兼隴西郡主
宅教授李某行內修謹君蓋有力焉岐國公主旣家
爲君求遷有命矣君辭焉乃已君少以文學知名於
書無所不觀而尤喜易作易傳十卷乾德指說一卷
復書七卷名士大夫多善其書者於是樞密使張公
舉君可試館職而宰相無知君者故不用通判徐州
以疾不赴求監蘇州酒以嘉祐八年正月六日不起
年五十九至太常博士君爲人樂易篤於朋友故舊
於勢利無所苟能愛人以得其歡心君皇祖考延嗣
祖考皆不仕而皇考以君故贈大理評事前夫人蘇

氏後夫人陳氏皆無子陳氏名家子亦有賢行以嘉祐八年四月二日葬君蘇州吳縣三玄鄉陸公原以前夫人蘇氏祔焉銘曰

宜壽也五十而已宜貴也止於博士謂卒有後也而終無子嗚呼夫子命不可與謀其歸其安永矣茲丘

袁州軍事推官蕭君墓誌銘

袁州軍事推官新喻蕭君諱洵字公美初年十五以父命就學於鄉里後數舉進士不合用父蔭試秘書省校書郎選筠州司法嘗獨守法爭議脫數人於幾死又選吉州吉水縣主簿遂佐袁州攝行宜春令事

縣甚治用舉者十四人當召對以治平二年五月十八日卒京師年四十五越四年二月三日葬新喻鍾山鄉鍾山里於是夫人張氏前歿而別葬子男一人錞郊社齋郎女六人其四人既爲士妻其二尚幼蕭氏故長沙人當李氏時遷江南或居廬陵或新喻後皆以未力名藝自顯君而祖諱紹有儒學不仕祖諱世則贈光祿卿父固嘗以尚書刑部郎中集賢殿修撰守桂州經略南方號稱能臣已而有所悟以祠部郎中分司遂致仕君惇厚謹密事親左右不怠當官廉實以敏以故多舉者銘曰

王師川文集卷之十三
於嗟蕭君營此新卜何性之祥而命之不穀匪父匪
母匪子爲憂自其邑里皆歎以愀有銘厥實藏在中
丘

大理寺丞楊君墓誌銘

卷九十三

君諱忱字明叔華陰楊氏子少卓犖以文章稱天下
治春秋不守先儒傳注資他經以佐其說其說超厲
踔越世儒莫能及也及其爲吏披姦發伏振摘利害
大人之以聲名權勢謂士者常逆爲君自詘蓋君有
以過人如此然峙其能奮其氣不治防畛以取通於
世故終於無所就以初君以父蔭守將作監主簿
數舉進士不中數上書言事其言有衆人所不敢言
者丁文簡公且死爲君求職君辭焉後用大臣薦召
試學士院又久之不就積官至朝奉郎行大理寺丞
通判河中府事飛騎尉而坐小法絀監蘄州酒稅未
赴而以嘉祐七年四月辛巳卒於河南享年三十九
顧言曰焚吾所爲書無留也以柩從先人葬八年四
月辛卯從其父葬河南府洛陽縣平樂鄉張封村君
曾祖諱津祖諱守慶坊州司馬君尚書左丞父諱偕
翰林侍讀學士以尚書工部侍郎致仕特贈尚書兵
部侍郎娶丁氏清河縣君尚書右丞度之女男兩人

五
景略守太常寺太祝好書學能自立景彥早卒君有
文集十卷又別爲春秋正論十卷微言十卷通例二
十卷銘曰
芒乎其孰始以有厥美味于其孰止以終於此納銘
幽宮以慰其子

節度推官陳君墓誌銘

卷九十二

人之所難得乎天者聰明辨智敏給之材旣得之矣
能學問修爲以自稱而不弊於無窮之欲此亦天之
所難得乎人者也天能以人之所難得者與人人欲
以天之所難得者徇天而天不少假以年則其得有
不暇乎修爲其爲有不至乎成就此孔子所以歎夫
未見其止而惜之者也陳君諱之元字某年二十七
爲武昌軍節度推官以卒自其爲兒童強記捷見能
不勞而超其長者少長慨然慕古人所爲而又能學
其文章旣以進士起家則喜曰無事於詩賦矣以吾
目力盡之於所好其庶乎吾可以成材於是悉橐其
家書之官而蚤夜讀以思思而不得則又從其朋友
講解至於達而後已其材與志如此使天少假以年
則其成就當如何哉然無幾何得疾病遂至於不起
嗟乎此亦所謂未見其止而可惜者也君某州之某

臨川王其爲銘曰
縣人曾祖曰其祖曰其考曰其以嘉祐某年某月某
甲子其兄之方爲之卜其州其縣其所之原以葬而
浮揚清明升氣之鄉沈翳濁墨降形之宅其升遠矣
其孰能追其降在批南銘詔化以文十令是志其
其文章禮以士賦家即喜曰無事效精短矣以昏
不營而強其壽者少矣雖慕古人而爲而又論學
爲友昌軍前以事官以卒自其爲兒童飽時對其語
未見其立而語之者也刺吾語之云卒其年二十
不期平愈其意而不至乎如說地于世以煇夫
新刻臨川王介甫先生文集卷九十四

墓誌

尚書祠部郎中集賢殿修撰蕭君墓誌銘

區希範誅廣西困於兵詔以尚書屯田員外郎蕭君
知桂州兼廣西都巡檢提舉兵甲溪峒事至則因其
故俗治以寬大廣西遂安而君以材選爲荆湖南路
提點刑獄未幾以君之信於南方也又以君爲廣西
水陸計度轉運使方是時儂智高蒐兵誘聚中國之
命陰以其衆窺邊境而邊吏士尚皆不寤君獨憂此
以謂必爲南方之患乃選遣才辯吏說智高內屬上

書言狀請因以一官撫之使抗交趾且可以紓患書
下樞密樞密以智高故屬交趾納之生事以詔問君
能保交趾不爭智高智高終無爲寇則具以聞君曰
蠻夷視利則動必保其往非臣之所能顧今中國勢
未可以有事於蠻夷則如智高者撫之而已且智高
才武強力非交趾所能爭而畜也就其能爭則蠻夷
方自相攻吾乃所以閒而無事爭議至五六而樞密
遂紂君言不報君又奏請擇將吏繕兵械修城郭以
待變亦至五六又皆不報而君以召歸智高果反邕
州殺其守將出入廣東西之有一州所至殘破吏士
多走死樞密乃更歸責於君以知吉州一時士大夫
紛紛欲爲君訟君遂絕口無所道世以此稱君長者
又因知君智謀果可以任邊事居頃之遂復以爲廣
東轉運使又以直昭文館知桂州當是時儂宗旦聚
兵智高故地無所屬邕州爲之警諸將皆議興師君
又獨持招降之議朝廷用君議宗旦遂釋兵服以爲
西頭供奉官而邊無事於是君積官至尚書刑部郎
中以集賢殿修撰再任會蠻申紹泰反巡檢宋士堯
戰死仁宗使中貴人出視君坐士堯死降知江州
而提點刑獄因中貴人言君罪狀朝廷爲置獄而君

所坐止於贖金諸提點刑獄所言多無之然猶奪兩
官以免稍除監撫州鹽酒辭不往以分司南京就第
諸公多欲薦起之者君遂告老卽以尚書祠部郎中
致仕君諱固字幹臣初以進士選桂陽監判官楚州
團練推官用舉者二十三人改大理寺丞知開封府
陽武末康軍青城兩縣通判虔州以方略擒盜賜書
獎諭移知江州所至皆有善狀推賢舉善束縛姦吏
明而不殘於財利尤能開闔歛散故在廣東收銅鹽
課皆增前以十萬數治平三年年六十五以九月十
七日卒於家初娶隴西某君某氏再娶彭城縣君某

氏子男二人洵初州軍事推官前死洞試祕書省校
書郎知鄂州嘉魚縣事女三人嫁江州湖口縣主簿
何正臣龔州司戶參軍歐陽成其季尚幼也孫男女
十八人蕭氏故長沙人君曾祖諱處鈞當湖南馬氏
時爲衡州司馬以馬氏方亂棄其官歸李氏江南不
願仕有賜田百頃袁州之新喻新喻後屬臨江軍故
今爲臨江新喻人祖諱紹考諱出則皆以儒學不仕
而考以君故贈官至光祿卿君之疾革也出其奏議
焚之其子孫所錄傳尚二百餘篇蓋其言詳密多世
務之要四年九月二十二日葬君新喻安和鄉長宣

里佛子岡銘曰

司馬去荆望此南國君賁厥趾蕭宗以殖致功蠻方
時告厥猶朝為弗聞疆場用憂受慝不讓退安一州
既窮而通終以無偶銘詩幽宮傳載永久

贈光祿少卿趙君墓誌銘 卷九十四一

儂智高反廣南攻破諸州州將之以義死者二人而
康州趙君余嘗知其為賢者也君用叔祖蔭試將作
監主簿選許州陽翟縣主簿潭州司法叅軍數以公
事抗轉運使連劾奏君而州將為君訟於朝以故得
無坐用舉者為温州樂清縣令又用舉者就除寧海

以上宋本
殘缺

軍節度推官知衢州江山縣斷治出已當於民心而
吏不能得民一錢棄肉道上人無敢取者余嘗至衢
州而君之去江山地相交矣縣人尚思君之所為而
稱說之不容口又用舉者改大理寺丞知徐州彭城
縣祀明堂恩改太子臺贊善大夫移知康州至二月
而儂智高來攻君悉其卒三百以戰智高為之少卻
至夜君顧夫人取州印佩之使負其子以匿曰明日
賊必太至吾知不敵然不可以去汝留死無為也明
日戰不勝遂抗賊以死於是君年四十二兵馬監押
馬貴者與卒三百人亦皆死而無一人存者初君戰

時馬貴惶擾至不能食飲君獨飽如平時至夜貴卧不能著寢君即大斲比明而後寤夫死生之故亦大矣而君所以處之如此嗚呼其於義與命可謂能安之矣君死之後二日而州司理譚必始爲之棺斂又百日而君弟至遂護其喪歸葬至江山江山之人老幼相攜扶祭哭其迎君喪有數百里者而康州之人亦請於安撫使而爲君置屋以祠安撫使以君之事聞天子贈君光祿少卿官其一子覲右侍禁官其弟子試將作監主簿又以其弟潤州錄事參軍師涉爲大理寺丞簽書泰州軍事判官廳公事君諱師旦字潛叔其先單州之武成人曾祖諱晟贈太師祖諱和尚書比部郎中贈光祿少卿考諱應言太常博士贈尚書屯田郎中自君之祖始去武成而葬楚州之山陽故今爲山陽人而君弟以嘉祐五年正月十六日葬君山陽上鄉仁和之原於是夫人王氏亦卒矣遂舉其喪以柩銘曰

可以無禍有功於時玩君安榮相顧莫爲誰其視死高蹈不疑嗚呼康州銘以昭之

朝奉郎守國子博士知常州李公墓誌銘

公李氏諱餘慶字昌宗年四十四官止國子博士知

常州以卒然公之威名氣畧聞天下自其卒至今久矣天下尚多談公之爲有過於人者余嘗過常州州之長老道公卒時就葬於橫山州人填道瞻送歎息爲之出淚又爲之畫像寘之浮屠以祭之於是又知公之有惠愛於常人也已而與公之子處厚遊則得公之所爲甚具蓋公之爲政精明強果事至能立斷而得久姦宿惡輒取之不貸至其化服則撫循養息悉有其處所以威震遠近而蒙其德者亦思之無窮也當明肅太后時嘗欲用公矣公再上書論事其言甚直以故不果用而出常州嗚呼公之自任豈止於一州而已此有志者所以爲之惜也始公以叔父任起家應天府法曹叅軍遇事輒爭之留守者不能奪也卒薦公改太常寺太祝知湖州歸安縣其後通判秀州州近鹽公作華亭海鹽二監以業盜販之民歲入緡錢八十萬又爲石堤自平望至吳江五十里以除水患人至今賴之其所至處利害多如此然非公志所欲以就名成功者故不悉著著其利於民尤大而能以久者云公平生慷慨好議當世事其所趨舍必欲如己意雖強有勢終不爲撓嘗考前世治亂之迹與其君臣之間議論編爲七十卷藏於家此蓋

其大志所存也公之先為開封之陳留人五代祖為
梁使閩因避地家於福之漣江曾大父周不仕大父
郁贈尚書虞部員外郎考慕玠秘書省著作佐郎贈
尚書工部員外郎夫人龔氏永安縣君男五人處常
忠武軍節度推官與誼誠皆已卒處厚大理寺丞與
處道皆進士既葬之二十三年至和元年余銘其墓
曰
公閩於家來自陳留維時方屯閉蓄函收其孰有源
而久於幽自公之老乃施乃流其流至公孰敢泳游
茫洋演迤小大畢浮曷蹇十行使止一州庶其渙發
在後之修

左班殿直楊君墓誌銘 卷九十四

東鹿楊闢狀其先人曰君諱文誦字巨卿少孤鞠於
世父世父戰契丹于常山君始十七能以兵入得甲
馬其後世父為峽州麻谿寨主合州兵討蠻之叛者
君以二十五卒馳前與蠻三千遇蠻傳畏君勇悉還
走險其酋據險下射殺君卒幾盡君以兩矢自下顛
其酋而後世父軍亦至遂戮其衆以歸 天子賞世
父一官而以君屬三班為殿侍君曾祖諱淵祖諱君
正父諱德成皆以經術教授鄉里遭五代變擾皆不

仕君亦少敏強記通五經刑名書數然負其材武思
一有所奮成功名以故爲武吏稍遷借職監睦州酒
由借職三遷爲左班殿直由睦州亦三遷爲邵州武
岡寨兵馬監押由武岡歸京師以慶曆七年二月二
十九日年七十三而卒初康定中將相欲五路兵攻
夏故相陳恭公爲陝西招討使欲君爲用知君者皆
曰君嘗有所試今其時也勉之矣君不應而辭以疾
顧說恭公曰吾士卒惰久矣而數敗以恐卒然毆之
以入不測戰久講勝悍強之賊愚不知計策見其死
而已恭公默然而其後兵果不得出自是君亦老矣

更讀書勸諸子以學無復言兵事方君少壯時喜兵
彎弓劍士莫敢伍然仁恕愛物遇人謙謹麻谿士卒
殺戮無所擇君爲救止全活甚衆其武岡以恩信得
諸蠻蠻有嵩叙上下誠等州刺史至呼君爲父終君
去不爲侵竊君夫人杜氏生三男其長子早卒次闕
爲大理寺丞次閔三女子皆已嫁其長亦早卒夫人
少君十歲以嘉祐二年五月二十三日卒于酸棗而
壽與君皆七十三六月二日合葬于陳州宛丘縣友
于鄉彭陵原臨川王某曰士之以材稱於世而能以
義克者少矣子路學孔子者也然怙其勇以不得死

君以此其材至白首無所遇而恂恂自克以考厥終
克有名子載其行治其可銘銘曰

攬堅挽強可杆四方視時弛張以不悖于常維士之

良

內殿崇班錢君墓碣

卷九十七三

內殿崇班廣德軍兵馬都監錢君之墓在和州之歷
陽鷄籠鄉未昌里初錢氏以布衣起王吳越當五代
時諸侯王僭悖獨常順事中國道閉無所出則間以
其方物取海上輸之天子至宋受命欲一天下
吳越王卽帥其屬朝京師而盡獻其地天子受其

某王之淮海而褒題其子孫益至於今百年錢氏之
有籍於朝廷者殆不可勝數而以才稱於世嘗任事
者比比出焉君諱某字某右屯衛將軍諱某之子昭
化軍節度使諱某之孫吳越文穆王諱某之曾孫錢
氏以才稱於世者也其爲子弟也父兄稱良焉其爲
父兄又能教其子弟其爲吏又能修其職事而天
子嘗任之以爲材始以季父恩公蔭補三班借職稍
遷至內殿崇班知欽州州人甚愛之歸奏事殿中稱
旨遂遷內殿承制提點廣南西路刑獄在廣西四年
以功次遷供備庫副使刺舉當法賢士大夫多譽之

當是時儂智高爲姦數嫚邊吏邊吏莫能抗諸州又皆無兵君卽奏請戍兵以待變奏至五六而大臣終不許卽復上書求罷又不許而儂智高果反君坐詘三官監饒州酒居久之稍復遷至內殿崇班廣德軍兵馬都監至廣德之明年嘉祐二年君年七十一矣以三月某甲子卒昭化之治和州也凡十八年有惠愛於州人其卒子孫遂留以葬故君子淇沂沃溥奉君喪以某年某月某甲子歸葬於永昌先人之兆而淇沂以余曾從事於文辭自君之將葬至於今三年跋涉而從余以求銘數矣然不止而愈勤噫其若是余不可以無銘於是爲之叙次使歸而鐫諸墓

吳處士墓誌銘

卷九十六

君吳氏諱某字某某其先建安大姓曾大父諱某建州長史大父諱某館驛巡官檢校尚書吏部員外郎皆江南李氏所置也方李氏時吏部府君之父子同時仕江南者以十數至君之考諱某始以汀州軍事推官歸選於朝主鄭之新鄭簿君少孤事母夫人至孝與其弟軻相愛春秋祭先人雖老矣祇牲省噐皆不以屬子孫俯仰齋慄如見其饗之者已祭未嘗不悲哀也讀書取大指通而已或勸之謀利曰吾貧久矣

人以我爲愛而我以是爲樂不能改也有子三人甫
申冉皆不使事生產曰士而貧多于工商而富也三
人者皆以進士貢於鄉而申爲太平州軍事推官君
年七十八某年某月某日卒於太平之官舍甫等護
其柩歸葬於江州某縣某鄉某原某年某月日也夫
人前君卒別葬實南陽葉氏始君所居毀於水乃奉
母夫人來客江州愛其山川而遂家之故其葬也以
歸焉申之友南陽張頡論次君之事如此而申以告
曰先人不幸力爲善而不獲顯於天下今其葬宜得
銘使後世有見焉嗟乎予不及識君矣然予之故人
多能言君之教諸子盡其道故卒皆有立而申之文
行尤以知名於世方今士大夫之列於朝者 天子
於其父母皆有以寵嘉之其官封之卑鉅視其子所
以勸天下之爲父母而慰其子之心以君之善教而
子之材宜及其身有高爵盛位之報焉其生也既不
及其沒也孰知其不卒享也哉是故不宜無銘也銘
曰

士或爲仁稱止一鄉至其後與厥聞迺光或業以勤
而傳之圯維是不朽實君有子

尚書司封員外郎張君墓誌銘

君姓張氏諱彥博字文叔其先家齊州之禹城曾祖
諱玘贈太子洗馬祖諱制又徙其家於蔡州贈尚書
吏部侍郎父諱保雍仕至尚書刑部郎中兩浙轉運
使君以廕爲太廟齋郎調武昌縣尉能禁抑淫祠使
盡去境內再調撫州司法掌攝令臨川始取強悍者
一人痛治以威而皆喜以畏却使者不急之須而使
者不敢怒徙亳州鄆縣令用薦者監蘄州石橋茶場
鎖廳應進士舉中其科尋丁母憂服除調興化軍興
化縣令僧有連結爲姦黨者久至三十餘年君悉捕
以置於法而廢其寺古田縣有劇賊卽遁去復調黃

州黃陂縣令稍築堤防以利農告使者更鹽利之法
自是役賴以均改袁州軍事判官以治平四年十月
六日卒于官享年四十九君少力學問尤知史書不
憚折節以交賢士大夫而喜趨人之急教兄之孤子
至于登第撫三女悉得所歸而其仕也所爲又能不
苟故前後多薦者初娶劉氏又娶方氏子二人曰仲
偉曰次賢君昔去石橋遂留居於蘄故其葬也從劉
氏於蘄之安仁鄉芙蓉山蓋熙寧二年十月六日也
君於文章尤喜作歌詩有集四十卷藏於家銘曰
恭惠敏明交悅以稱不遂其成恢曠坦易或投以累

王臨川文集 卷九十四
終以困躓惟人載德宜福多錫得壽亦嗇曷告其悲
銘續風詩萬世之貽

尚書屯田員外郎仲君墓志銘 卷六十三

君仲氏諱訥字櫟翁廣濟軍定陶人曾祖諱環祖諱
柝皆弗仕而至君父諱尹始仕至曹州觀察支使贈
右贊善大夫君景祐元年進士起家莫州防禦推官
年少初官然上下無敢易者時傳契丹且大擾邊朝
廷使中貴人來問知州張崇俊未知所對公策契丹
無他爲具奏論之崇俊喜曰朝廷必知非吾能爲此
然亦當善我能聽用君也又權博州防禦判官以母
夫人喪去去三年復權明州節度推官縣送海賊數
十人獄具矣君獨疑而辨之數十人者皆得雪用舉
者改大理寺丞知大名府清平邛州臨溪兩縣又通
判解州於是三遷爲尚書屯田員外郎而以皇祐五
年十二月二十一日卒年五十五君厚重有大志不
妄言笑喜讀書爲古文章晚而尤好爲詩詩尤稱於
世所在有聲績然直道自信於權貴人不肯有所屈
故好者少然亦多知其非常人也其在越蜀士多從
之學當寶元康定間言者喜論兵其計不過攻守而
已君獨推書所謂食哉唯時柔遠能邇惇德允元而

難任人蠻夷率服為禦戎議二篇嗟乎此流俗所羞以爲迂而弗言者也非明於先王之義則孰知夫中國安富尊強之爲必出於此君知此矣則其自信不屈宜以有所負而然惜乎其未試也君初娶王氏尚書駕部郎中蘭之女又娶李氏尚書虞部員外郎宋卿之女三男子伯達爲太常博士次伯适伯同爲進士三女子嫁殿中丞任使并州交城縣尉崔絳興元府戶曹參軍任膺博士以熙寧元年十一月二十一日葬君於定陶之閔丘鄉而以余之聞君也來求銘銘曰

於戲樸翁天偶人簡翔其德音而躓於時

臨川吳子善墓誌銘

臨川吳氏有子興宗字子善年二十喪母而其父以生事付之則先日出以作後日入以息日午矣家一人未飯其夫婦必尚空腹天寒矣家一人未續其夫婦必尚單衣蓋如此者二十年而終三十年而已死凡嫁五妹辦數喪又以其筋力之餘及於鄉黨苟有故必我勞人佚先往後歸而尤篤於友愛見弟有過則顏色愈溫酒飲酒歡極之間乃微示以意既而卽泣下曰吾親屬我以汝吾所以不避艱險者保汝而

已其弟終感悟悔改爲善士以文學名於世此待其弟乃爾若於他人則絕口不涉其非然里中少年聞其謦効之音往往逃匿若匿不及則俛首恐愧而嘗有所絀一至訟庭及着械同絀數十人爲之皆哭掌獄者驚起白守守立免焉其見畏愛多此類某謂其父爲諸舅甚知其所爲故於其弟子經孝宗之求誌以葬也爲道而不辭子善嘗應進士舉後專于耕養遂不復應其死以治平四年八月九日而十二月十一日與其母黃氏共葬於靈源村父墓之域中父諱偃亦有行義用疾弗仕祖諱表微尚書屯田員外郎曾祖諱英殿中丞初妻姓王氏一男良弼皆前卒再娶楊氏生蕘适枉蕘始九歲而四女幼者一歲云

此部員外郎陳若某誌銘

陳晉公有子五人其一人字相是也公晉公之

子而今宰相弟晉公諱某事始卒在史官公諱某字

某九歲用晉公恩守秘書省校書郎晉公薨恩改太

常寺奉禮郎服除久之會封碑恩改大理評事監鳳

翔府酒稅又會祀汾陰改爲尉寺丞以景升知鄆

武之部武縣狀之章得試學士院宰相才之歲與社

王介甫先生文集卷九十四終

判秀州改大理寺丞歸又獻文章表乞治劇郡得准
陽軍改太子中舍今上即位恩改殿中丞是歲賜
緋衣銀魚知臨江軍還得睦州薦者數人天子以
公名屬審官又徙知遂州以齊國太夫人疾辭還改
虞部員外郎上便宜數事得引對因自贊天子欲
稍進用之而遭齊國太夫人之喪以去居無何睦州
人王稷上書斥公赦前數事服除猶坐是監虔州稅
明道元年恩改比部員外郎通判建州改駕部用舉
者徙知吉州坐法免起為比部監泗州糧料又坐法
免起為虞部監饒州錢監得復比部歸羈居京師久
之乃出監江陰軍酒稅道疾病上書自言先臣恕得
幸先皇帝至大臣階先臣以得仕屢進所學蒙記
識方壯少時頗汲汲欲自奮收一日之效以卒事
陛下而孤行單立無黨友之助又薄命不幸數遭小
人以見困蹶負先臣餘教辱陛下器使之恩今老
矣念終無以報盛德深自媿耻夙夜憂畏以故得疾
病且死無田園以歸無強有力子弟以養唯男一人
世昌去年為進士得嘉慶院解臣兄在中書奏不得
試禮部今當為遠官去臣苟遠甚陛下憐之幸聽
臣分司改世昌蘇常問一官以卒養臣天地之賜也

臣誠窮即不自言誰當為臣言者書入未報竟卒於江寧得年若干時某年月也夫人某氏子男兩人世昌泉之晉江主簿次世長前死女兩人皆已嫁主簿將以某年月日葬公某處葬有日使來乞銘初公為臨江軍先君為之佐其後二十五年某得主簿於淮南而兄事之仍世有好義不可以辭無銘也公名臣子少壯得美任間以文藝自進意自以為且貴富世其宗而遭平世槩以文法持臣下故其材不得有所肆而卒以齟齬窮其感激怨懟徃徃見於文辭主簿離其藁為二十卷以是知其心之所存也而其求有

司語尤悲因掇其大槩而存之噫其亦可悲也夫銘

曰

於此有木焉一本而中分其材均樹之時又均或斷而焚或剖以為犧尊誰令然耶其偶然耶吾又何嗟

贈尚書吏部侍郎句公墓誌銘 卷九十三

公句氏諱希仲字袞臣景德六年以開封浚儀進士起家歷選於吏部為揚州江都主簿洪州新建縣尉權管句洪州奉新縣事開封府右軍巡判官其後除於審官為監黃州岐亭鎮茶鹽酒稅監虔州稅知洪州分寧縣知容州句當在京左右廂店宅務知高郵

軍知岳安袁吉筠五州又其後除於中書爲知隨州
又遂以疾求分司西京而以皇祐三年四月丁亥卒
于安州之傳舍享年七十一散官至朝奉郎職事官
至光祿卿勲至上柱國賜緋魚袋公通訓詁工篆隸
書能傳其父學又善爲詩其在高郵歲大饑以便宜
振救所活萬餘人在鄂州前吏以逃戶諸稅責鄰人
至或無桑矣而猶責其絲公歎曰上恩及於無告
而州縣若此壅之可乎阿也卽奏除之在吉州州素多事
公至則御之以簡姪吏惡民顧不得有爲至相戒而
去公奉寡嫂畜孤兄子尤篤於恩禮自爲郎中先任

其兄子次及諸從最後乃蔭公子兄外孫尹構幼失
父母公收教之再舉進士禮部矣顧言以構名聞構
由此補郊社齋郎益其爲人敦厚長者詳亦施人而
畧亦養已如此句氏其先景兆人公曾祖諱同章始
遷成都之華陽祖諱令宣皇贈光祿寺丞父諱中正
爲孟氏武泰軍節度使掌書記太宗時自潞州錄
事參軍召拜著作佐郎直史館其後改直昭文在兩
館二十六年同館事多去爲將相而公修職守道未
嘗爲之少屈以尚書屯田郎中卒於真宗之初而
葬浚儀浚儀今祥符也故公卒以某年某月某甲子

三川文集卷九十五
葬公開封之開封縣保安鄉永寧村公元配清河張氏繼配楚丘邊氏祥符劉氏劉氏封延安郡君三男子謀尚書屯田員外郎詵早世請太廟室長女子九人嫁尚書駕部員外郎王正巳湖州德清縣令郭真卿尚書虞部郎中楊定殿中丞劉偁榮州錄事參軍張道古起居舍人鍾鼎臣殿中丞杜師益泰寧軍節度推官謝京登州司理參軍王勗及公之葬也以公子謀故張夫人追封仙遊縣太君邊夫人追封仙源縣太君劉夫人追封仁壽郡太君而公亦贈官至尚書吏部侍郎銘曰

句宗華陽世實京兆來家東都公考有廟溫溫句公有美有相不銜不求卒爲圭璋考翼在上公丞在下爲此幽宮亦浚之野

山南東道節度推官贈尚書工部郎中傅公墓誌銘

公姓傅氏諱立字伯禮其先大名內黃人今鄆須城人也慶曆二年以五舉進士得同三禮出身主鄭州管城縣簿用舉者爲滑州靈河縣令遭母夫人喪喪除以山南東道節度推官知磁州昭德縣事嘉祐四年七月六日卒于官舍享年六十六公以文行有聲

於鄉其志氣甚大既久困不遂因不復有仕意鄉人強之乃起佐管城所爲問義理如何不肯有所顧計貝州妖人爲亂吏坐不察者衆州縣懲艾有以妖告者輒又致之刑辟或誣浮屠道人爲妖州捕之急公辯其無罪卽釋之在昭德縣人治河隄總役者妄怒以立威諸縣畏其紀劾莫敢校及笞公縣人公奪之縱去縣人感悅不督而功自倍總役者亦不敢復犯公所部其施於政者多如此故其卒老稚相扶携祭哭思慕久之不怠蓋公孝慈忠信剛毅有守遇事不爲可愧其仁心尤至既病亟呼其季子告曰吾嘗質田於鄆數十口賴以活者三十年今田主往往而在汝兄仕於朝所不足者非財可以券還之於是長子方官於莫州及歸遭喪終以田歸主如公戒公曾祖諱凝贈尚書庫部員外郎祖諱世隆尚書戶部員外郎知邳州父諱珪右班殿直凡三世皆以經學舉至公始爲進士而公子亦皆爲進士曰堯俞尚書兵部員外郎曰舜俞郊社齋郎曰君俞未仕餘四人皆早死兵部君以才德爲世名人嘗爲諫官以言事不合辭知雜御史不肯就以熙寧二年十月某日葬公於孟州濟源縣清廉鄉美化里以夫人長壽縣太君王

王陽川文集卷之五
氏祔於是公贈官至尚書工部郎中太君有賢行方
兵部除知雜御史也適北使未返而親故皆賀夫人
弗受治裝爲行及兵部歸而果辭不就以出也銘曰
惟傳厥先相武丁告功皇天上比星公躬服仁世守
經奮發華藻揚芬馨宜殖福祿引厥齡摧藏沉淹以
滌澹齋志弗獲終冥冥爰有美子集帝庭忠功孝名
神所聽卜瑩高原日永寧

尚書度支員外郎郭公墓誌銘

卷九十三四

公諱維字仲逸少好學有大志年二十五起爲泰州
司理調泰真二州判官以能聞監真州之酒稅丁母

憂服除改著作佐郎知南豐縣俗喜訟令始至豪猾
輒搆事入縣察令能否公至卽得其妄窮而徙之由
此無敢犯法改新都縣又以治稱旣去民思之相與
繪公像祠焉使者薦其材就知雅州王蒙正姻明肅
太后家侵民田幾至百家有訴者更數獄無敢直其
罪昭公治之其行也人爲公憚公至則拔根摘節不
漏毫末以田歸民蒙正坐除名旣歸天子目之賜
之朱衣得尚書屯田員外郎知常州至州索宿姦數
人流之州以無事移提點淮南刑獄吏不治道聞公
至往往豫以事求解部中肅然遷度支以卒慶曆二

年正月也凡仕二十七年公剛毅能斷當事勇不自恤繇景德祥符之間四海平治寬文法待吏而吏乃相習爲傲嬉浮沉者或按一吏則交議群詆以爲暴刻生事日浸月積而民敝於下矣至公始按吏而獨急於權侍有大臣出揚不治曲以禮事公公奏斥不報既代猶斥之以是被按一無憾言以聲威聞而所至卽有惠愛某嘗羈游過常里中民有以褻語相罵者其長者怒曰爾欲忘郭屯田邪蓋公在常以此法其民時卒已九年矣猶不忘之惜乎朝廷方欲顯用而公已不幸其出於治者猶未足以盡其志故不悉書特掇其一二而存之此足以見公之志也祖某不仕父某贈殿中丞母劉氏仙源縣太君妻張氏南陽縣君子男三人先正烏江縣尉聰正舉進士祥正星子主簿女六人以某年月日葬公於某處公之里也將葬先正等以今司封員外郎趙誠書來乞銘先人與公祥符八年以進士起而公子且與某遊有好也銘不敢讓銘曰

翼翼汾陽子儀始王德完道粹功蓋于唐宜享世澤流如海長原原南寓孰嗣而昌公生而明剛簡自狷拔身貧羈誼不辱進蘇窮斥姦惠立威振而年不長

志不時盡既奮既材天奚弗愬刻銘在幽來者之感

贈尚書刑部侍郎王公墓誌銘

江陵縣有合葬龍山之西者爲宋龍川令贈尚書刑部侍郎王公之墓公之卒得年七十一其葬之歲在辛卯爲皇祐三年十二月甲申龍川其所卒也以刑部侍郎贈公者曰公之子光祿卿周公諱文亮字昭遠其先晉丞相導也丞相十有六世之孫儉爲唐正議大夫刺明州始去長安之萬年爲明之奉化人大大之兄曰濼濼生紳紳生韶韶生公四世咸爲縣令方錢氏之王吳越也公嘗武策入等爲其屬州之掾

國除選於京師復掾密州尉夔奉節爲邢之任令舉

者二十餘人不用歎曰吾旣其衰矣而爲是是不可

以已耶卽以疾去去之八年無復言進仕黨故強起

之復歎曰仕不仕惟義也吾敢自必於其間耶起令

龍川遂卒始公尚少以文稱於士友嘗度浙江有志

白金百斤於舟公最後獨見之畱三日得忘者歸之

而後去而不告以名佗日從者以爲言於是又稱其

長者今兩縣吏民皆曰賢令也旣亡皆哀焉合葬于

龍山者天水郡太君權氏善草隸書誦數經能略通

其說實唐貞孝公皐之十七世孫云子男四人向類

高爲進士充其業其季光祿君也女三人皆歸聞人
光祿君方潔勤審下賢好學人以爲君子之子焉自
晉之亂而戎夷盜賊穴有中國且亂且治至于今歲
于年士大夫之家流落顛頓不常其世後雖有振起
者多不知其族之所出獨光祿君之家爲世其家而
能自道尤詳自大夫伯仲至公四世之告命皆具在
命其宗人之子某銘公之墓者光祿君也銘曰
公先籍秦系相導大夫相孫維作守兄濼遂留家海
浦子紳孫韶公祖考于東西傳弗甚耀藏仁厥家以
賚後後蕃而昌其必效今卿追公爲之兆

兵部員外郎馬君墓誌銘

卷九十一

馬君諱遵字仲塗世家饒州之樂平舉進士自禮部
至於廷書其等皆第一守祕書省校書郎知洪州之
奉新縣移知康州當是時天子更置大臣欲有所
爲求才能之士以察諸路而君自大理寺丞除太子
中允福建路轉運判官以憂不赴憂除知開封縣爲
江淮荆湖兩湖制置發運判官於是君爲太常博士
朝廷方尊寵其使事以監六路乃以君爲監察御史
又以爲殿中侍御史遂爲副使已而還之臺以爲言
事御史至則彈宰相之爲不法者宰相用此罷而君

亦以此出知宣州至宣州一日移京東路轉運使又
還臺爲右司諫知諫院又爲尚書禮部員外郎兼侍
御史知雜事同判流內銓數言時政多聽用始君讀
書卽以文辭辯麗稱天下及出仕所至號爲辨治論
議條鬯人反覆之而不能窮平居頽然若與人無所
譖及遇事有所建則必得其所守開封常以權豪請
託不可治客至有所請君輒善遇之無所拒客退視
其事一斷以法居久之人知君之不可以私屬也縣
遂無事友爲諫官御史又能如此於是士大夫歎曰
馬君之智蓋能時其柔剛以有爲也嘉祐二年君以
疾求罷職以出至五六乃以爲尚書吏部員外郎直
龍圖閣猶不許其出某月某甲子君卒年四十七
天子以其子某官某爲某官又官其兄子持國某官
夫人某縣君鄭氏以某年某甲子葬君信州之
弋陽縣歸仁鄉裏沙之原君故與予善予常愛其智
略以爲今士大夫多不能如惜其不得盡用亦其不
幸早世不終於貴富也然世方懲尚賢任智之弊而
操成法以一天下之士則君雖壽考且終於貴富其
所畜亦豈能盡用哉嗚呼可悲也已旣葬夫人與其
家人謀而使持國來以誦曰願有紀也使君爲死而

不朽乃為之論次而繫之以辭曰

歸以才能考又予以時表之遠塗考使驟而馳前無
禦者考後有推之忽稅不駕考其然奚為哀哀瑩婦
考孰慰其思墓門有石考書以余辭

泰州海陵縣主簿許君墓誌銘

卷九十四

君諱平字秉之姓許氏余嘗譜其世家所謂今泰州
海陵縣主簿者也君既與兄元相友愛稱天下而自
少卓犖不羈善辨說與其兄俱以智略為當世大人
所器寶元時朝廷開方略之選以招天下異能之士
而陝西大帥范文正公鄭文肅公爭以君所為書以
薦於是得召試為太廟監郎已而選泰州海陵縣主
簿貴人多薦君有大才可試以事不宜棄之州縣君
亦常慨然自許欲有所為然終不得一用其智能以
卒噫其可哀也已士固有離世異俗獨行其意罵譏
笑侮困辱而不悔彼皆無眾人之求而有所待於後
世者也其齟齬固宜若夫大智謀功名之士窺時俯仰
以赴勢物之會而輒不遇者乃亦不可勝數辯足以
移萬物而窮於用說之時謀足以奪三軍而辱於右
武之國此又何說哉嗟乎彼有所待而不悔者其知
之矣君年五十九以嘉祐某年某月某甲子葬真州

之楊子縣且露鄉某所之原夫人李氏子男瓌不仕
璋真州司戶參軍琦太廟齋郎琳進士女子五人已
嫁一人進士周奉先泰州泰興縣令陶舜元銘曰
有拔而起之莫擠而止之嗚呼許君而已於斯誰或
使之

漢陽軍漢川縣令陳君墓誌銘

陳君之墓在某州某縣某鄉某所之原以其年某日
某甲子葬陳君者諱之祥字某家某州之某縣其業
進士其中等以皇祐二年其官滁州全椒縣主簿漢
陽軍漢川縣令其爲人強於學果於行能使爲之長
有聽爲之民者思其卒年三十二有一男一女皆出
夫人李氏其葬臨川王某爲之銘
芒乎旣壯而能充忽乎奚去而誰從歸形幽陰兮窆
土以爲宮聚封其上兮爲記無窮

士以爲宮殿其止以爲信無讓

生平適出而論次必平奚去而籍錄編紙幽會於寤
夫人李氏其葬謂川王其爲之也

音鄭漁之另春思其卒年三十二百一畏一女

新刻臨川王介甫先生文集卷九十六

墓誌

亡兄王常甫墓誌銘

先生七歲好學毅然不苟戲笑讀書二十年當慶曆
中天子以書賜州縣大置學先生學完行高江淮
間州爭欲以爲師所留輒以詩書禮易春秋授弟子
慕聞來者往往千餘里磨礱泮濯成就其器不可勝
數而先生始以進士下科補宣州司戶至三月轉運
使以監江寧府鹽院又三月卒又七月葬則卒之明
年四月也實皇祐四年墓在先君東南五步先君姓

王氏諱益官世行治既有銘先生其長子諱安仁字
常甫年三十七生兩女嗚呼先生之道德蓄於身而
施於家不博見於天下文章名於世持以應世之須
爾大志所欲論著蓋未出也而世之工言能使不朽
者又知先生莫能深嗚呼先生之所存其卒於無傳
耶始先生常以爲功與名不足懷蓋亦有命焉君子
之學盡其性而已然則先生之無傳蓋不憾也雖然
先生孝友最隆委百世之重而無所屬以傳有母有
弟方壯而奪之使不得相處以久先生尚有知其無
窮憂矣嗚呼以往而推存痛其有已耶痛其有已耶
先生有文十五卷其弟既次以藏其家又次行治藏
於墓嗚呼酷矣極矣銘止矣其能使先生傳耶

主客郎中知興元王公墓誌銘

卷之七

公王氏諱某字某其先著望太原而公之曾大考諱
某考諱某皆葬撫州之臨川縣公少力學以孝悌稱
於鄉里既壯起進士爲漢州軍事推官至則以材任
劇在上者交舉之遷大理寺丞知大名府大名縣就
除通判忻州又通判真定府府帥王嗣宗恃氣侮折
其屬爲不法以故久之莫敢爲通判者公行嗣宗固
不憚稍侵公以氣公恬然不爲校也以禮示之而已

嗣宗誄服居十餘日公請視獄獄中繫者常數百人
嗣宗意愠輒久之不問吏亦不敢言治公視獄所當
者數十人而已餘悉當釋無所坐於是嗣宗趣有司
如公指即日斷出之自是事無不聽公所爲公賴分
別可否而使其政皆由嗣宗以出雖府人或不知公
於嗣宗日有助也一府遂治而士以此稱公爲長者
始公中進士時同進有常陵公者蒞公先以被酒承
公勅牒裂燒之公爲諱其事以失亾告有司而已及
後陵公者爲屬吏公舉遷之或非公以德報怨公曰
受詔舉京官彼今爲吾屬而任京官吾則舉之何報
怨之謂哉且吾與彼乃未始有怨也蓋公之行已多
如此居一歲移知保州又以舉者移知深州又以選
移知齊州二州之人皆曰公愛我已而提點刑獄淮
南兼勸農事公於爲獄務在寬民而以課田桑爲急
按渠波之故誘民作而修之利田至萬九五十頃
天子賜書獎諭後出氏名付大臣召用而當是時丁
謂爲宰相先是謂以二人屬公善視之曰皆能吏也
至則皆有罪公發其狀以聞由此謂欲傷公不果而
久之公所任吏亦有贓坐卽絀公監池州順安鎮酒
稅會而今上卽位移滁州又移知興元府自丁謂得

非徒南方論者皆以公宜復用而公亦且得疾不起
享年六十二官至尚書主客郎中明年天聖七年
葬和州之歷陽縣後若干年公夫人張氏葬而公墓
塹乃改卜合葬於真州楊子縣萬寧鄉銅山之原公
子六人於是存者二人曰某爲殿中丞曰某爲進士
其四人皆已卒曰某開封士曹叅軍曰某楚州寶應
縣主簿曰某曰某爲進士而公以殿中君積贈官至
右諫議大夫某公兄孫也受命於叔父而爲銘銘而
次公之行事不能詳者以不得事公而公之沒叔父
皆尚少故也嗚呼於公之行事雖不得其詳而其略
所聞如是蓋可以考公德矣銘曰

王六一晉封遠跡南土公始有廟妥其禰祖孰強而勝
孰思以爭乎予恭寬在室而享疑疑之節因時乃發
曰黜予咎匪仇予過避善不名亦不隕聞寘銘新基
維以長存

胡君墓誌銘

卷九十六

王某之治鄞三月其故人胡舜元凶服立於扃揖入
問弔故則喪其父五月留而館意獨恠其來之早也
居數月語吾弟曰吾釋父之殯跋山浮江從子之兄
于海旁願有謁也以美不敢以言吾親之生我學於

四方不得所欲以養今已不幸卒也得子之兄誌而
銘之藏之墓中可以顯於今世以傳於後雖吾小人
與榮焉無悔焉不知子之兄可不可吾弟以告予歎
曰審如是可爲孝君子固成人之孝而吾與之又
舊其何顧而辭耶取吾所素知者爲之誌而銘之誌
曰君諱某池之銅陵人生于丁丑興國之年也卒於
丁亥是爲慶曆七年子七人某以十月葬君於谷垂
山胡氏世大家闔門數百人君有子舜元獨招里先
生教之爲士其卒也族分而貲衰舜元爲善士銘曰
壽七十一不爲不多吾與之銘千古不磨

屯田員外郎邵君墓誌銘

卷九十四

邵公旣國燕其子孫處者猶食其初邑至後世遂爲
邵氏今有田里丹陽者獨爲大家其所出徃徃甲天
下君丹陽人也諱某字某少敏爽皇考某欲大就之
爲破貲聚留師賓以發其材及壯行內修不標飾爲
名而有譽於爲士者年四十始以進士出佐鎮東軍
積功次入尚書爲屯田員外郎通判亳州遭母夫人
某氏喪不行以卒君工爲詩歌喜飲酒與人交恬如
也尤不好官爵至京師一不問權貴人所舍事有類
君者自言得遷或勸君自言終不許然起家十九年

更三縣以材奏君者甚衆卒之明年皇祐某年某月
弟某葬君某所以夫人某氏祔子男兩人曰某曰某
一女尚幼銘曰

馬漢臣墓誌銘卷九十六五

合淝人馬仲舒字漢臣其先茂陵人父皐為江東撥
發寘其家金陵漢臣因入學齒諸生為人喜酒色其
相語以褻私侈為主父母不欲之又隆愛之不能逆
其意以教也然漢臣亦疎金錢急人險艱不自顧計
於衆中尤慕近予予亦識其可教以禮法開之果大
寤遂自挫刻務以入禮法從子學作進士既數日其
辭章粲然充其科者也漢臣長予四年予兄弟視之
漢臣視予則師弟子如也嘗助予叔父之喪若子姓
然慶曆六年漢臣冠五年矣從予入京師待進士舉
六月病死死時予亦病其叔父在京師因得棺歛歸
金陵殯之某年某月乃葬于某處孔子曰秀而不實
者有矣夫漢臣幾是矣噫誌其墓云

贛縣主簿蕭君墓誌銘卷九十五

君諱化基字子固實蕭氏其先有自長沙避地廬陵
者曰霽方李氏有江南為洪之武寧令於君為曾大

父其後再世曰煥曰良輔皆不仕至君之兄侍御史
定基始以材起爲名家而追贈其皇考尚書工部員
外郎君於工部爲少子少謹厚能自力業其世以善
富旣御史貴得任子弟君猶私其能不願治民然御
史竟官君爲明之奉化尉主簿於虔之贛縣監真州
酒恬慎祇修在勢者任之春秋六十二至和元年四
月癸酉以官卒其子汝霖汝能汝爲汝正護其柩歸
以十一月壬午葬其縣之儒行鄉白沙原夫人楊氏
前葬矣今不祔先人於御史以弟交君子丈人行也
二父皆有子知名南方交於予以故請銘銘者所以
名前人而燕孝子之心也於是爲銘銘曰
韡矣蕭宗楚產之良繩繩主簿有善其鄉我修不苟
寔可爲康圖銘壙石維後之藏

秘書丞謝師宰墓誌銘

君姓謝氏諱景平字師宰尚書兵部員外郎知制誥
陽夏公贈禮部尚書諱絳之子太子賓客陳留公贈
禮部尚書諱濤之孫泰寧君掌書記贈尚書吏部侍
郎諱崇禮之曾孫初以祖父廕試秘書省校書郎守
將作監主簿旣而中進士第僉書崇信軍節度判官
廳公事監楚州西河轉般倉累官至秘書丞年三十

三以治平元年十二月庚申卒妻尹氏生男女四人
皆前死其兄以某年某月某日葬君鄧州穰縣某名
山南謝氏故家河南緱氏君六世祖仕吳越故自陳
留公以上三世葬杭之富陽至君始葬陽夏公于鄧
爲穰人而今以君祔葬君於忿不忮於欲不求雖學
之力亦其天性故其孝弟忠信寬柔遜讓莊靜謹潔
稱于兒童以至壯長而成不充其志施不盡其材此
學士大夫所以哀其死而多爲之出涕也然君文學
政事言語已能自達於一時其於道德之意性命之
理則求之而不至聞矣而不疑嗚呼可謂賢已銘曰
陽夏囚子皆賢而材季也早死吾銘其埋今又銘叔
嗚呼可哀古之死者以死爲息嗟叔方剛何惻之亟
昭昭者逝疑疑者藏爲識在斯銘則不亾

尚書刑部郎中周公墓誌銘

周氏其先自華陰入蜀蜀孟氏時公之皇考諱敬遂
以文章知名嘗至要官任事矣孟氏亾因不復仕而
天子召以爲壽州下蔡令由下蔡以爲太子中允知
江州賜紫衣金魚使撫初附之民其後爲祕書丞知
泰州以卒而得州之北原以葬有子四人其卒皆位
於朝而公第二公諱嘉正字榦之少與其舅弟俱以

進士甲科起家為通州軍事推官其後通判廣州提
 點福建刑獄知壽州為三司鹽鐵判官故宰相丁謂
 慮其材 天子以為河北轉運使而公不就已而謂
 得罪公坐出知金州又知海州又知濠州而以工部
 郎中分司南京歸治疾于海陵之第明道元年以恩
 遷刑部二年年六十四以卒公寬厚而廉清而其才
 尤長於政事自為推官時已能有所建易為士民所
 記及奉使福建獄有寬輒辨有疑若可貸輒以聞所
 活至數十人而其治大抵遇姦吏為獨急子男五人
 曰象先今為武康軍節度推官監台州稅曰彥先為
 右侍禁知循州興寧縣曰茂先為泰州司法叅軍曰
 行先為山南東道節度推官知江州彭澤縣曰嗣先
 為進士女七人皆嫁為士大夫妻嘉祐三年三月壬
 申公子與孫葬公皇考祕書丞贈尚書工部侍郎之
 兆東以安喜縣君錢氏祔縣君實左右公以有家者
 也銘曰周遷于蜀爰自先人考有四子發于海濱公
 有令聞貴維次子歸寬民人施刻在巴方飛方騫方
 升于天既鍛以歸既隕于泉有高其後有光其前作
 為銘詩兆此新阡

右侍禁周君墓誌銘

君周氏諱彥先字師古曾大父諱瓌贈大理評事大
父諱述祕書丞贈尚書工部侍郎考諱嘉正尚書刑
部郎中君少以郎中君蔭補三班奉職監泗州浮橋
又監楚州船塢爲揚泰州巡檢而近臣薦君闔門祇
候大臣曰周某可用矣然吾將試之邊乃白以爲瀛
莫等七州軍沿邊巡檢邊人兩界上爲羣盜君得姓
名以白安撫使移之契丹契丹悉捕斬之自是久之
邊無盜也已而君上書言潛事又言邊將使人耕邊
以給公使不卽禁止往往能生事于是邊將大怒而
君所部卒有犯法者因詆君以不詰坐是監廣州清
遠縣鹽場轉運使留君以監市舶它吏方習爲姦賂
事而君獨不買船中一物轉運使嘗數稱君以媿它
吏而薦君以知循州之興寧縣至則相縣南三十里
寧昌驛以爲治所而吏自此得不以瘴死然君旣得
疾於興寧矣遂卒卒時年四十二縣人以君爲能撫
我思之也君先夫人盛氏尚書工部侍郎諱京之子
後夫人王氏尚書主客郎中諱貫之之子皆有賢行
五子濤洵洙澗澥皆爲進士二女子嫁如臯史堪德
安鄭汾亦皆爲進士而濤今爲著作佐郎知汝州梁
縣以嘉祐三年三月壬申葬君皇考郎中之兆次而

王臨川文集卷九十六
以先夫人柎臨川王某爲銘曰
君弟吾嫂夫人吾姑君能有家不失疾徐治兵與民
威愛之孚銘昭子孫以告不誣

泰州司法參軍周君墓誌銘

君周氏諱茂先字去華其先成都人至君大父諱述
爲祕書丞知泰州以卒始葬泰州之北原而子孫遂
爲州人不去父諱嘉正尚書刑部郎中君以父蔭爲
楚州司戶參軍又爲泰州司法參軍皆有能名明道
二年五月刑部君終于第君思慕哭泣至其年十月
亦卒于是君年三十二夫人南陽張氏守其孤不嫁
其后孤渙以進士起家洪州南昌縣主簿二女子嫁
池州貴池縣尉宣城查塾進士建安吳觀而以嘉祐
三年三月壬申葬君北原之兆銘曰

尚書屯田員外郎周君墓誌銘

君周姓諱濤字幾道中慶曆六年進士甲科歷亳州
觀察推官撫州軍事推官著作佐郎祕書丞太常博
士尚書屯田員外郎知汝州梁杭州錢唐二縣內行
敏能爲政壹自急飭視民疾如在已不肯釋事實爲
名聲要利所在民愛譽甚於士大夫治平三年六月
在京師授簽書梓州判官事七月十三日以官卒年

四十有四曾祖諱述故郚人皇祕書丞贈工部侍郎始占海陵以葬祖諱嘉正皇刑部郎中父諱彥先終右侍禁贈右監門衛將軍妻曰昭德縣君錢氏子男五人稭種秬稷以其年十月十六日葬君揚州江都縣回軌南鄉東武里銘曰
於勢與聲躡循弗爭無忌其生於善與耻操終如始有哀其死

虞部郎中晁君墓誌銘

卷八十七

尚書虞部郎中晁君諱仲參字孝先以治平四年五月九日卒於通判舒州事其子以熙寧二年正月二十九日卜濟州任城縣諫議鄉呂村之原以葬狀君之行來乞銘擬其語爲銘曰

晁望潁川衛有卿丙錯以術用作漢家令魏晉南北史無傳人良正官唐仍不大振開封于家徙鉅野縣辟時韜屯出宋而顯迥奮布衣太子太師宗慤秉政父子一時三朝四世錫榮丘墓佺令中書爲君曾祖有子迪者刑部侍郎乃生宗簡世德孔揚使京東西郎于刑部君實其嗣少則多譽仲父保任主簿上虞宰墨隳政易君仕初從容調聊史莫玩法墨以廉終弱伸強攝按察擾獄夙如我謀君不爲奪械囚于州

將范文正歎愛而謂畏宜繩私公勇勿畏君願持此
 畢身無尤薦監越酒旋宅父憂判官于滁擢丞大理
 汝州郟城來知縣事富姓賊吏寓田勢家役煩且窘
 中戶愁嗟君哀偽券應手即辦完蠹嗟枯俗戒以勸
 秦王諸孫上家入郟卒榜驛隸君擒而誅將劾中人
 匿車夜道道移內侍省罪令即訊乞明年至徒御無譴
 能聲震越號稱其家易曹濟陰太子贊善督尉素盜
 里閭宴衍馬入罷牧地租于民厨傳費劇輸之始貧
 君曰閔哉責豈無豫操書鐫守多絀其數遷官博士
 去領開州大築學校率衣冠游溫湯之鹽實不酬課
 歲蠲五萬奏自君可氓疾不治謁巫代鑿教以餌藥
 盡投詭詞失怙恃者子其娶嫁坐堂朝晡飲酒閒暇
 英宗纂極員外于虞比駕二部閱最而除今 天子
 恩始正郎位攝舒朞年條教逾肄殍來隣邦賑使無
 僵扶携飽去又遺之種敦於除害未始愛力取縱陽
 河避羅利石折池口征合于銅陵官不失筭舟無危
 行人幸是為曠數十載趨令驩呼無有稚艾孤山馬
 當歲漂百航鑿秋口浦直走雷江脫險風濤幾五百
 里章隨驛聞就計其事方冬告投君夏而狙壽五十
 五識者歎吁齊公孫氏作配甚似封永康君誕惟四

子端仁端義端禮端智仁中進士常州司理義郊社
郎餘則未仕五女四人歸爲士妻石端偁彥偁歸而
娶芭胡二婚純粹僧孺幼處于家君孫有五男節符
箴其_子則女惟君平生外晦內明忤出不意默無與
爭祿周族嫺恩稱疏戚_之無朝炊笑語如意晚尤靜
曠病不告遺極談性命方絕之時子丐埋辭衰_走
汴掇其緒餘以質幽窶

度支郎中葛公墓誌銘

卷八十五

葛公姓也源名也宗聖字也處州之麗水公所生也
明州之鄞後所遷也貫曾大考也遇大考也旺累贈
都官郎中考也進士公所起也洪州左司理叅軍吉
州太和縣主簿江州德化縣令監興國茶場威武軍
節度推官知廣州四會縣著作佐郎知開封府雍丘
縣秘書丞知泉州同安縣太常博士通判建州屯田
員外郎知慶成軍都官員外郎知南劔州司封員外
郎祠部郎中江浙荆湖福建廣西提點銀銅坑冶鑄
錢度支郎中荆湖北提點刑獄此公之所閱官也州
將之甥與異母兄毆人而甥殺之州將脇公曰兩人
者皆吾甥而殺人者乃其兄也我知之彼大姓也無
爲有司所誤不然此獄也將必覆公劾不爲變此公

之爲司理叅軍也州符徙吉水行令事他日令始至
大猾吏輒誘民數百訟庭下設變詐以動令如此數
日令厭事則事常在吏矣公至立訟者兩廡下取其
狀視有如吏所爲者使自書所訴不能書者吏授之
往往不能如狀窮輒曰我不知爲此乃某吏教我
所爲也悉捕劾致之法訟以故少吏亦終不得其意
毛氏寡婦告其子以恩義說之不得即使人微捕得之
與閒語者驗其對乃書寡婦告者也窮治具服爲私
謀誣其子孫距州溪水惡而歲租幾千萬碩舟善敗
民以輸爲愁公始議縣置倉以受輸則官漕之亦便
州不聽公論之不巳倉成至今賴其利此公之爲主
簿也中貴人擊驛吏取所給過家以言府府不敢劾
公曰中貴人何憚爲吾民而有陵之者吾亦耻之上
書論其事中貴人坐絀此公之爲縣於雍丘也屬吏
常有隙於公同進者因讒之公察其旨不聽以爲舉
首此公之爲州于南劔也鑄錢歲十六萬其所施置
後以爲法程此公之爲銀銅坑冶鑄錢也鄂州崇陽
大姓與人妻謀而殺其夫州受賕出之公使再劾劾
者又受賕獄如初而公終以爲不直其弟訴之轉運
使雖他在事者亦莫不以爲冤復置之獄卒得其姦

昧狀論如法此公之爲提點刑獄也甲子四百三十
五公所享年也至和元年六月乙未卒之年月日也
潤州之丹徒縣長樂鄉顯陽村公所葬也嘉祐元年
十月壬申葬之年月日也鄉邑孫氏今祔以葬者公
元配也萬年縣君范陽盧氏公繼配也良肱良佐良
嗣公子也妻太常博士黃知良曰金華縣君公女也
起進士爲越州餘姚縣尉主公之喪而請銘以葬者
良嗣也論次其所得於良嗣而爲之銘者臨川王某
也銘曰
士窾以養交兮弛官之不息維公之所至兮樂職嗜
事彼能顯聞兮公則不晰不銘示後兮孰勸爲瘁

公限不御不溢示於世... 嗚呼道之不明邪豈特教之不至也士亦有罪焉嗚呼道之不行邪豈特化之不至也士亦有罪焉蓋無

新刻臨川王介甫先生文集卷九十七

墓誌

王逢原墓誌銘

嗚呼道之不明邪豈特教之不至也士亦有罪焉嗚呼道之不行邪豈特化之不至也士亦有罪焉蓋無常產而有常心者古之所謂士也士誠有常心以操聖人之說而力行之則道雖不明乎天下必明於已道雖不行於天下必行於妻子內有以明於已外有以行於妻子則其言行必不孤立於天下矣此孔子孟子伯夷柳下惠楊雄之徒所以有功於世也嗚呼

以予之昏弱不肖固亦士之有罪者而亦友焉余故
字逢原諱令姓王氏廣陵人也始予愛其文章而得
其所以言中予愛其節行而得其所以行卒予得其
所以言浩浩乎其將公而不窮也得其所以行超超
乎其將追而不至也於是慨然歎以爲可以任世之
重而有功於天下者將在於此余將友之而不得也
嗚呼今弃予而死矣悲夫逢原左武衛大將軍諱奉
謹之曾孫大理評事諱珙之孫而鄭州管城縣主簿
諱世倫之子五歲而孤二十八而卒卒之九十三日
嘉祐四年九月丙申葬於常州武進縣南鄉薛村之
原夫人吳氏亦有賢行於是方娠也未知其子之男

女銘曰

壽胡不多天實爾嗇曰天不相胡厚爾德厚也培之
嗇也推之樂以不罷不怨以疑嗚呼天民將在于茲

宋尚書司封郎中孫公墓誌銘

卷九十四二

公諱錫字昌齡曾祖釗祖易從父再榮皆弗仕及公
仕贈其父至尚書兵部侍郎公以天聖二年進士起
家和州歷陽無爲巢二縣主簿部使者及兩制以御
批舉者十餘人改鎮江軍節度推官知杭州仁和縣
籍取兇惡戒以不改必窮極案治而治其餘一以仁

恕故縣人畏愛之以兵部喪去三年乃用舉者以集
慶軍節度掌書記克國子監直講豫校史記前後漢
書南北史修集韻選蘇王宮伴讀教導有法宗室孺
燕飲未嘗往居頃之改著作佐郎當罷矣又留爲國
子監丞講讀七年乃用舉者召試集賢校理同知太
常禮院判吏部南曹登聞鼓院爲開封府推官賜緋
魚坐考鑠廳進士舉籍中有不中格者兩人降監和
州清酒務當是時龐宰相爲樞密使薦宜侍講禁中
方召而公以謫去久之會明堂恩召還同判尚書刑
部先時王者多持事往決於中書公獨視法如何不
往戎州人向吉等操兵賈販恃其衆所過不輸物稅
州縣捕逐皆散走成都鈐轄司奏請不以南郊赦除
其罪從之逮捕親屬繫獄至更兩赦有詣闕訴者刑
部詳覆官以爲特勅遇赦不原者雖數赦猶論如法
公獨奏釋之凡釋百二十三人公於議法多如此復
爲開封府推官當隨尹奏事而仁宗問大辟幾何且
以慎刑愛人爲戒公因奏開封勅有重於編勅而當
改者數事仁宗皆以爲然他日問尹以公姓名稱
之於是貴戚女使有奏讞上薄其罪付公監決曰此
人平恕可任也道士趙清旣出入龐宰相家受賕御

史以劾龐府治實清貺自爲龐不知也清貺坐杖配沙門島行兩日死御史又劾府希宰相指故杖清貺殺之滅口仁宗亦疑乃悉罷知府推判官而以公知太平州初清貺事獨判官王礪劾決公不自辨也未幾仁宗卽寤罷者皆復而以公提點淮南路刑獄在淮南二年所活大辟十三人考課爲天下第一所舉多善士未嘗聽人請屬還爲三司戶部判官求知宣州許之特詔秩祿視轉運使至則召五縣令約以州所下書有不便封還故縣得自爲政而州無事且滿州人詣轉運使提點刑獄乞留還又知舒州發常平廣惠倉以活陳許穎蔡流入及歸計口量遠近給食遣去去者率錢買香焚之府門以祝公至或感泣初提點刑獄恐聚流人爲盜又惜常平廣惠倉數牒止公不聽申以手書又不聽佐屬皆爭曰不可公行之自若比代去州人闔城門留之薄暮與爭門乃得出遂以告老致仕於是官至尚書度支郎中散官至朝奉郎勳至上柱國今上卽位遷司封賜金紫以熙寧元年正月十二日卒年七十八孫氏世爲廣陵富姓兵部兄弟五人其季婦有子寡欲分財以義譬解不得乃悉推田宅與諸兄弟脫身携公居建安

王臨川文集卷九十一
軍揚子故今爲真州人諸兄弟後破產而兵部居揚子又卒爲富姓爲公千里迎師立學舍市書至六七千卷公感勵奮激誦習忘寢食年十九舉進士開封第二坐同保匿服罷而再舉又舉一當是時以文學稱天下及仕號爲忠厚正直終身未嘗言利老而貧不以爲悔鄉人尤歸其長者有文集二十卷初娶莊氏早卒又娶裴氏刁氏刁氏封壽安縣君亦前死子湜澄泳淵淑湘早卒湜太廟齋郎後公數月死澄楚州寶應主簿洙祕書丞集賢校理漸太廟齋郎女十人一人嫁三人未嫁三人嫁而卒三人未嫁而卒九月十六日葬公揚子縣懷民鄉北原銘曰

於戲孫公有直其道爲之少時以濟壯老人信公行承趨薦保天順公德與公壽考維公有子喪事哀祇慰其孝思用此銘詩

荆湖北路轉運判官尚書屯田郎中劉君墓誌

銘并序卷九十五

治平元年五月六日荆湖北路轉運判官尚書屯田郎中劉君年五十四以官卒三年十月某日葬真州揚子縣蜀岡而子洙以武寧章望之狀來求銘噫余故人也爲序而銘焉序曰君諱牧字先之其先杭

州臨安縣人君曾大父諱彥琛爲吳越王將有功刺
衢州葬西安於是劉氏又爲西安人當太宗時嘗
求諸有功於吳越者錄其後而君大父諱仁祚辭以
疾及君父諱知禮又不仕而鄉人稱爲君子後以君
故贈官至尚書職方郎中君少則明敏年十六求舉
進士不中曰有司豈枉我哉乃多買書閉戶治之及
再舉遂爲舉首起家饒州軍事推官與州將爭公事
爲所擠幾不免及後將范文正公至君大喜曰此吾
師也遂以爲師文正公亦數稱君勉以學君論議仁
恕急人之窮於財物無所顧計凡以慕文正公故也
弋陽富人爲客所誣將抵死君得實以告文正公未
甚信然以君故使吏雜治之居數日富人得不死文
正公由此愈知君任以事歲終將舉京官君以讓其
同官有親而老者文正公爲嘆息許之曰吾不可以
不成君之善及文正公安撫河東乃始舉君可治劇
於是君爲兗州觀察推官又學春秋於孫復與石介
爲友州旱蝗奏便宜十餘事其一事請通登萊鹽商
至今以爲賴改大理寺丞知大名府館陶縣中貴人
隨契丹使往來多擾縣君視遇有理人吏以無所苦
先是多盜君用其黨推逐有發輒得後遂無爲盜者

詔集強壯刺其手為義勇多惶怖不知所為欲走君
諭以詔意為言利害皆就刺欣然曰劉君不吾欺也
留守稱其能雖府事往往咨君計策用舉者通判廣
信軍以親老不行通判建州當是時今河陽宰相富
公以樞密副使使河北奏君掌機宜文字保州兵士
為亂富公請君撫視君自長垣乘驛至其城下以三
日會富公罷出君乃之建州方并屬縣諸里均其徭
役人大喜而遭職方君喪以去通判青州又以母夫
人喪罷又通判廬州朝廷引茶推推以君使江西議均
其稅蓋期年而後反客曰平愚生聞君敏而敢為今濡

滯若此何故也君笑曰此固君之所能易也而我則
不能且是役也朝廷豈以為他亦曰愛人而已今不
深知其利害而苟簡以成之君雖以吾為敏而人必
有不勝其弊者及奏事皆聽人果便之除廣南西路
轉運判官於是修險阨募丁壯以減戍卒徒倉便輸
考攝官功次絕其行賂居二年凡利害無所不與廢
乃移荆湖北路至踰月卒家貧無以為喪自棺槨諸
物皆荆南士人為具君娶江氏生五男二女男曰洙
沂汶為進士洙以君故試將作監主簿餘尚幼初君
為范富二公所知一時士大夫爭譽其才君亦慨然

自以當得意已而屯遭流落抑沒於庸人之中幾老矣乃稍出爲世用若將有以爲也而旣死此愛君者所爲恨惜然士之赫赫爲世所願者可睹矣以君始終得喪相除亦何負彼之有銘曰
嗟乎劉君宜壽而顯何畜之久而施之淺雖或止之亦或使之唯其有命故止於斯

廣西轉運使李君墓誌銘

并序卷九十四

君諱寬字伯強姓李氏其先隴西人後移光山至君六世祖又移建安今爲南昌人者以君大皇考爲鼻祖君皇考諱某以太子洗馬致仕終尚書虞部郎中

其贈官至衛尉卿大皇考諱某以殿中丞致仕其贈官至吏部尚書曾大皇考諱某當五代之亂無爵祿以尚書故贈大理評事君始以世父蔭守將作監主簿監洪州鹽院用歲課倍得知袁州宜春縣改知福州福清縣當是時能聞朝廷矣就除通判桂州又通判江州二州皆治遂知吉州請於天子立學以教學者常三百人施方略捕盜賊無衆寡遠近必得以至米鹽酒糶皆爲除弊致利移衡州不赴改江州州人曰是嘗泣我矣不待至而服未幾移潤州不赴改信州又不赴改太平州轉運使言饒大劇州將不能

治而太平不足用君乃換饒州屬縣惡吏聞且至有
弃其官而去至則禁巫醫之罔民案畜蠱者遂以無
事安撫使言治行於江南爲第一母夫人終去位三
年知虔州將行三司請君制置糧草河北一歲減緡
錢八十七萬由此提點江浙等路鑄錢坑冶以衛尉
老奏徙治所南昌從之移提點荆湖北刑獄辭不往
又請便官以養乃改江西居一月遭衛尉喪服除久
之尚不忍去墓所詔就起君提點江東刑獄又移京
西除廣西轉運使自儂智高反宿軍邕州歲漕不足
乃多治船設賞罰而邕軍食以有餘所部攝官以三
十四員爲額待攝當事三百人一員闕皆爭財吏君
第其課爲三等有闕以次補攝官不賅吏由此始二
廣使者故不以春夏出會有詔閱邊卒君卽出道遇
瘴歸卒年六十治平二年九月二十三日也初李氏
旣居江南尚書未老致其事歸養其子侍郎以分同
歸亦未老當侍郎之歸衛尉又以從其兄弟仕仍世
德義爲南人所慕君旣生有美質而積習名教自爲
兒童侍衛尉側不惰終日及壯砥礪以材能自顯其
於吏治精壯果敏機張鍵閉姦不可知目所指取必
得其情狀故所在豪人猾吏重手累足以終君去不

敢有所觸君視遇其屬士大夫賢者尤謹所拔舉過百人後多知名云夫人胡氏仁和縣君子男五人長曰承勉宣州旌德縣令早卒次曰亞夫太廟齋郎曰獻夫試將作監主簿曰渭夫試秘書省校書郎曰太平奴方晬而天女二人長適蘇州常熟縣主簿余公彌次適大理寺丞田真卿孫男三人君與弟尚書司門郎中定相友愛尤篤遺奏以司門之子簡夫聞詔除司門知太平州補簡夫郊社齋郎又詔君喪所過州發卒護送以明年二月歸殯于洪州某月某日葬新建縣桃花鄉曹山去先墓五里君所自為壽藏也君積散官至朝奉郎職事官至尚書金部郎中勲至護軍賜服佩至三品銘曰

李姓章浦自君考祖弃閩徂遷望此荆楚君於治人無有黨讎部我千里如農一丘薌姦鉏彊以殖善柔均之利澤及時平休所登祿實面饋春秋君能孝祀君則多子有來無窮其視章水

國子博士致仕李君墓誌銘 卷九十四

朝奉郎國子博士致仕騎都尉賜緋魚袋廣陵李君者諱問字某以數舉進士賜同學究出身嘗為韶州樂昌無為軍廬江二縣主簿河中府臨晉縣令以昭

德軍節度推官知邢州平鄉縣以大理寺丞知蘇州
吳江衢州江山二縣又以太子中舍殿中丞監在京
箔場太平州蕪湖縣酒稅遂告老會 今上卽位遷
博士至明年而卒又明年十二月二十五日葬廣陵
某鄉某里君善爲詩當時名人柳開王禹偁稱之少
貧幾不自有有姊氏以田宅弗取也及爲吏所在推
誠愛人人至不忍有所負以累君去輒遮泣挽留及
老矣而彌貧然終不以貧故變節有所取年九十精
悍如此及將卒尚讀書與家人笑語自若投其書若
將寐者遂卒卒時治平元年十一月十一日也李氏
故金陵人其後遷高郵又遷廣陵君曾祖諱某祖諱
某考諱某以君故贈殿中丞君娶開封浩氏有兩男
子察山南東道節度推官蚤卒定集慶軍節度推官
一女嫁杭州新城縣令許仲蔚定有文行從金遊故
與爲銘銘曰
斬曠平窾幽密工相方史諏日於惟君考此室猶其
永寧尚終吉

朝奉郎守殿中丞前知興元府成固縣楊君墓

誌銘

卷九十五

楊氏自太尉震守節於漢以死而將相名臣之族多

出於華陰歷八九百年以至於今不絕爲士大夫家而尚能譜太尉之昭穆當五代之亂君曾祖諱某者在吳越因相其王王遷國除於太宗之時而國相之子孫歸仕於天子又多賢顯尚書刑部郎中諱某者君皇祖也尚書司封郎中諱某者君皇考也楊氏之爲江都人者自君皇考始君諱某字公適幼詳敏知好文學故我叔祖興元府君嫁之以其子及長而仕號爲能吏所在官治多舉者自太廟齋郎更九官而以殿中丞知興元府成固縣事治平元年歸得疾於楚州二月二十一日卒年六十五夫人王氏卽

興元府君尚書主客郎中諱某之女五男子湜洙治滌湲湜宿州符離縣尉餘皆進士洙治前死四女子其已嫁者二人太常少卿呂璣試將作監主簿孫緹者君壻也其一人未嫁而前死諸子孫以二年十一月四日葬君江都東興鄉之北原以某嘗得侍君而君知之於少時者也故屬以銘銘曰

赫赫太尉窮于季世華陰之楊終煽而昌艱難徂遷亦相其王王以家朝相隨內屬有子有姓尚多顯服君勵厥紹考終世祿書銘在京兆實初卜

都官郎中致仕周公墓誌銘 卷九十五

尚書都官郎中南康周公卒之明年皇祐五年葬其所子蘊詠使請銘次其語曰公諱某字某其先占蔡之汝陽唐末遇亂於光斬遷江州之星子鎮太平興國中以鎮爲縣又以爲南康軍故今爲南康人焉曾大父某大父某當李氏時皆以學行爲處士家皇考某累贈尚書職方郎中始以進士起至尚書屯田郎中求監池之永豐監遂致仕已而今天子大亨明堂恩除都官于家以卒嘗令岳之沅江壽之霍丘池之建德邛之依政河南之洛陽凡五縣通判池州守一州曰蓬曰安其治之寬嚴視事劇易尤惠於池蓬

蓬人愛思至爲公畫像在洛陽太后使中貴人用事者來留守傾身媚附之中人諷公請已獨拒之不往故相張士遜薦公說書國學且諭公見執政公固謝之其篤學果行蓋有世士夫所難者卒時春秋七十七戒喪葬無用浮屠說有文十卷世傳之先夫人王氏封仁壽縣君三子蘊保信軍節度推官詠太廟齋郎銘曰

余聞異時宦官之幸雖隆名尊爵有紀於時者往往爲之誦焉又觀古之士能無折身以市於貴勢蓋亦少也信公之所守則其賢遠矣我銘公藏不刻其他

惟茲之存以勸母邪

張常勝墓誌銘 卷八十七六

君湖州烏程縣人姓張氏名文剛字常勝好學能文
孝友順祥再舉進士不第年二十七熙寧五年九月
九日卒以六年二月十日葬于鳳凰山曾祖任祖維
贈刑部侍郎父先尚書都官郎中致仕女三人一石妻
予從父妹也故君從予學銘曰
才足以貴而莫之知善足以壽而止於斯嗚呼逝矣
兮銘以哀之

臨川王介甫先生卷九十七

新刻臨川介甫王先生文集卷九十八

墓誌

尚書都官員外郎侍御史王公墓誌銘

慶曆五年 天子以尚書都官員外郎通判荆南府
王公爲侍御史居一年以入三司爲戶部判官又一
年還之爲言事御史頃之奏事殿中疾作歸翌日卒
其家以不起聞 天子悼閔走中人賻之金帛又官
其一子先是御史有物故者不賻由公故乃勅有司
并賻蓋 天子之所以錄其忠如此自公舉進士時
已能力學自立以經術游於汪淮之南爲學者所歸

至爲許州司理叅軍則以其職與強貴人抗曲直獄
疑當外賴以活者至數人再主簿於杭之臨安開封
之扶溝遂選開封府法曹叅軍令皆不能出其治尹
亦不敢侵其守而薦者以十數歲當遷府推官惡不
順已持其奏不肯書欲誄公請已公故不誄推官度
終無可奈何乃卒任公遷祕書省著作佐郎已而覃
恩遷祕書丞乃出知洪州分寧縣入爲審刑詳議官
數以疑似辨上前輒釋及佐荆南能以義憚其守錯
諸不法事嘗上書論南方用師討僭蠻不如撫而降
之利先是公在京師天子以災異詔百官言事公
所言有以儆世者其後御史府惡老者在事不能自
已以言趣之去位公以謂於老者薄非所以廣仁孝
於天下且養之非其道使至於無耻而專以法格之
滋所以使人薄也乃推三代禮意爲養老頌以諷凡
公之行已治民及所以論於上者皆出於寬厚誠恕
而其言易直以明故其召而爲御史也未至而好公
者已信其能稱職矣同時御史聞一事皆爭言塞職
其已嘗言公未嘗繼以言曰可悟上意足矣然排黨
幸爲獨切其言多同時御史所不能言者每承上問
言人不能無過若以古繩墨治之世殆無全人爲國

家川者要之忠信而已忠信雖有過尚足用也其大指所存如此嗚呼古所謂淑人君子者公於是可以當之矣公既行內脩其大者爲世所稱至其施於小亦皆敏而盡力顧余不得盡載也然讀余之所載則亦槩足以知公矣公諱某字某其先爲漢鴈門太守者曰澤澤後十八世雄爲唐東都留守封望太原族墓在河南而世宦學不絕爲聞姓至唐之將亡雄諸孫頗陵夷始自缺其譜亡不知幾傳而至護始居福之候官曰本河南人雄之後也護生仲仲生延簡當閩王審知時被署爲安遠使有勞烈於其國審知歿

遂置其官以老安遠二丁其季居政娶邑里姚氏女生公自護四世至公始以文行發名追官皇考至祕書丞而以昭德縣太君封其母夫人曾氏贈尚書兵部侍郎會之女封金華縣君婦順母嚴公所以紀其象蓋有助焉生五男子回向固同問皆爲士其文學行義有過絕人者故人莫不知公後世之將大顯以蕃而以公之仕不充其志爲無憾也公年六十三以旣卒之三年葬潁州之某鄉某原初公嘗過游潁之樂故諸孤御其母家而而以公於葬至是回之友臨川王某追銘墓上實云和二年也銘曰

顯姓維王出不一宗八先河南實祖於雄來閩四世
乃挺以生其來則否廿八去而亨歸忠于君播惠在疇
配時前人駿發以升卅二不載德孰爲榮名謂公有後
其豈公卿

孔處士墓誌銘

卷九十六

先生諱收字寧極睦州桐廬縣尉諱詢之曾孫贈國
子博士諱延洎之孫書都官員外郎諱昭亮之子
自都官而上至孔子四十五世先生嘗欲舉進士已
而悔曰吾豈有不得已於此邪遂居于汝州之龍興
山而上葬其親於汝汝人爭訟之不可平者不聽有
司而聽先生之一言蓋犯有司之刑而以不得於
先生爲耻慶曆七年初林天下行義之士而守臣以
先生應詔於是朝廷賜之米帛又勅州縣除其雜賦
嘉祐三年近臣多言先生有道德可用而執政度以
爲不肯屈除守秘書省校書郎致仕四年近臣又多
以爲言乃召以爲國子監直講先生辭乃除守光祿
寺丞致仕五年大臣有請先生爲其屬縣者於是天
子以知汝州龍興縣事先生又辭辭未聽而六月某
日先生終於家年六十七大臣有爲之請命者乃特
贈太常丞至七年月日弟鳴葬先生於堯山都官之

兆而以夫人李氏附李氏故大理評事昌符之女生
一女嫁為士人妻而先物故先生事父母至孝居喪
如禮遇人恂恂雖僕奴一不恐以辭氣加焉衣食與田
桑有餘輒以賙其鄉里及其而後不能償者未嘗問也
未嘗疑人人亦以故不心欺之而世之傳先生者多
異學士大夫有知而能言之者蓋先生孝弟忠信無求
于世足以使其鄉人畏服之如此而先生未嘗為異
也先生博學尤喜易未嘗著書獨大衍一篇傳於世
考其行殆非有得於內甘孰能致此耶當漢之東徙
高守節之士而亦以故成俗故當世處士之聞獨多
於後世乃至於今知名為賢而處者蓋亦無百十人
豈世之所不尚遂煙沒而無聞抑士之趨操亦有待
於世耶若先生固不為有待於世而卓然自見於時
豈非所謂豪傑之士者哉其可銘也已銘曰
有人而不出以身易物有往而不反以私其佚嗚呼
先生好潔而無尤匪佚之為私維志之求

右領軍衛將軍致仕王君墓誌銘

君王氏諱乙字次公其望在太原而實家大名之元
城不知其始所以徙曾祖諱安當周世宗時為閣門
通事舍人祖諱廷溫開寶中泰寧軍節度副使考諱

奉譴右班殿直贈左武衛大將軍君嘗舉進士不中
因獻其所藏書祕閣而上書言先臣某逮許王於
先皇帝有一日之幸臣實其子天子下其問驗以爲
三班借職累遷至內殿崇班閣門祗候淮南東路都
巡檢使皇祐二年年七十三以右領軍衛將軍致仕
卒於海州而以嘉祐二年葬真州之揚子縣某鄉某
原以後夫人劉氏祔於是先夫人林氏旣葬矣君強
記博聞剛毅而聰明好讀書雖老矣讀書未嘗少止
於窮人賤士苟義所在樂與之爲膠漆一欲以不直
加我雖嚴貴人義終不爲受也數上書言事皆中世
病而用事者多不聽聽者兩言耳又事之小者然當
時蒙其利言楚州可去堰爲牖歲省卒二十二萬七
千人錢一百三十萬米六萬八千石久言河陰可以
茶鹽募入穀而漕之河北爲十說以排三司之難三
司不能絀其一此當時蒙其利者也 宋興百年大
定於 大宗至 真宗內外富矣內外自是遂務以
無爲養息天下朝廷所尚賢良進士而將相大臣之
世用君方慨然懷古人趨赴功業之意欲起貧賤不
勢左右而以其辯智當人主衆圓獨方用非其時卒
以不合嗚呼甚可悲也然天下不肖多畏惡君以其

伉直而幸其齟齬不得意以老獨賢者哀之耳君子
越石秦州觀察判官其次子仁傑爲進士女二人嫁
進士林度陳州項城主簿宋造余嘗爲君僚而與其
子越石同年進士也銘其葬曰
強能吾羸吾與之爲抗羸者惴惴吾與之爲讓卒羸
于強以窒于行維其心之享以實其聲也

朝奉郎尚書司封員外張君墓誌銘

朝奉郎尚書司封員外郎知安州軍州兼管內勸農
事騎都尉賜緋魚袋借紫張君年五十六以皇祐二
年十二月十一日卒以熙寧元年某月某日君諱

綯字聖休餘杭人曾祖曰浩祖曰文寶弗仕考曰延
遇仕至左侍禁贈官至左驍騎將軍君少孤與其弟
祇皆文行知名以布衣教授宗室後中進士第歷宣
州宣城縣主簿撫州司法叅軍用舉者遷大理寺丞
知雅州名山洪州奉新兩縣監海州榷貨務通判池
廣兩州乃自尚書屯田員外郎召拜殿中侍御史用
磨勘遷侍御史劾奏殿前都指揮使郭承祐恃恩驕
嫚論宦官雖高不當坐侍燕而謫請求者又論不當
禁諫官御史風聞言事仁宗皆以爲然君之爲吏
也數決疑獄所至稱辨治及是言事又能舉其職方

是時爲御史者拔舉多不次君素寬裕靜退耻以彈
治人得用未幾卽稱疾求出乃知安州州大治會卒
人追喪車慟哭初驍騎府君監湖州兵遂葬卞山至
是君從葬以夫人京兆縣君施氏祔施氏生一子稚
恭爲進士一女適信州司理叅軍王汶孫大正大成
大亨大鈞今尚幼君事母孝友其弟甚篤於權勢財
利能廉吏治尤可紀在廣州奏請城之未及築外邪
而召後儂智高反州人賴君所築活以不卒功爲恨
銘曰

有嘉張君質靜寬徐進非所好人用稱譽視利在前
躑躅弗趨退施一州用智之餘嘻其葬矣次有銘書

謝景回墓誌銘

卷九十六

君姓謝氏諱景回字師復以泰寧軍節度掌書記諱
崇禮者爲曾大父以太子賓客陳留公諱濤者爲大
父而兵部員外郎知制誥陽夏公諱降者之少子也
幼好學有大志聰明卓然不類童子年十九所爲文
辭已可傳載於是得疾不可治以嘉祐四年十二月
丙子棄世於漢東人莫不爲謝氏哀之諸兄以八年
十月乙酉葬君鄧川穰縣五壟原之兆而臨川王某
爲銘曰

攻乎其爲良汰乎其爲精吾見其質吾聞其聲如或
毀之用不旣於成哀以銘詩亦慰其兄

真州司法叅軍杜君墓誌銘

卷九十六

真州司法京兆杜渙濟叔年三十七以皇祐四年四
月辛酉卒子男某尚穉自將以下合貨財以葬於北
城之野而留其孥以處杜氏世占永寧之博野父詢
嘗歷江寧府司錄叅軍遂葬家焉有子五人濟叔最
少實慶曆六年進士臨川王某銘其葬焉銘曰
猗嗟杜氏博野之良有官于南遂宅以藏是生司法
以節自強頽而陽陽翼異而才其生可懷死矣皆傷
江之北垣南墓在望奚葬不歸卜者曰祥後有子孫
旣實而昌求藏厥初來考銘章

金溪吳君墓誌銘

卷九十二

君和易罕言外如其中言未嘗極人過失至論前世
善惡其國家存亡治亂成敗所繇甚可聽也嘗所讀
書甚衆尤好古而學其辭其辭又能盡其議論年四
十三四以進士試於有司而本困於無所就其葬也
以皇祐六年某月日撫州之金谿縣歸德鄉石廩之
原在其舍南五里當是時君母夫人旣老而子世隆
世範皆尚幼三女子其一卒其二未嫁云嗚呼以君

之有與夫世之貴富而名聞天下者計焉其獨歎彼
耶然而不得祿以行其意以祭以養以遺其子孫以
卒此其士友之所以悲也夫學者將以盡其性盡性
而命可知也知命矣於君之不得意其又何悲耶銘
曰
蕃君名字彥弼氏吳其先自姬出以儒起家世冕黻
獨成之難幽以折厥銘維甥訂君實

大常少卿分司南京沈公墓誌銘 卷九十三

皇祐三年十一月庚申太常少卿分司南京錢塘沈
公卒明年子披子括塋公錢塘龍居里先公尚書之
兆十月甲戌吉與其宗謀銘則書公官壽行世來
以請予論次其書曰沈氏自沈子逞以身屬社稷書
於春秋文學賢勞功名不曠於史而武康之族尤獨
顯於天下至公高祖始徙去自為錢塘人大王父某
當錢氏時匿不仕王父某官咸平端拱間至大理寺
丞父某學行顯聞早世無爵位由長子同及公贈兵
部尚書公諱周字望之少孤與其兄相踵為進士起
家掾漢陽從事高郵用舉者入大理為丞監蘇州酒
知簡之平泉縣縣人銘其政於石遂自封州守佐蘇
州由蘇州為侍御史有以丞相指謁公者不為聽居

頃之出刺潤州又刺泉州其為治取簡易訟有可已者輒諭以義使歸思之獄以故少泉州舊多盜日暮市門盡閉禁民勿往來公至除其禁而盜亦以止佐開封訟數年不遣者以百數公斷治立盡嘗代其君爭獄於上大臣為公自紕三司使請鑄大錢下其書議議者無敢忤公為其判官獨曰壞四錢為之可以當十民盜變舊錢且盡鑄之為誘民死耳不如無鑄議上如公言於是天子以江東之按察為已悉聞公寬厚即以為使盡歲無所劾而部亦以治稱然公已老不樂事權自請得明州明年遂以分司歸第三月卒夫人許氏六安縣君兩男世其家一女子已嫁公廉靜寬慎貌和而內有守春秋七十四更十三官而不一挂於法鄉黨故舊聞其歸則喜喪哭之多哀而無一人恨望者銘曰
公生四方卒於故里先君之從祭則孫子有櫝有松有鬱其岡不阨不騫萬世之藏

吳錄事墓誌

君諱贊字成之世為撫州金谿人曾祖某不仕祖德筠尚書屯田員外郎父敏尚書都官員外郎君以蔭入官任吉州太和袁州萍鄉縣主簿尉蘄州石橋茶

場廬州司理亭壽州江寧府錄事叅軍以某年月日
卒于家享年若干君事親孝友于兄弟與厭後父母
兄弟寧躬困身妻子故老妻長子人不勝憂也義不
忍貲親遺產悉推兄弟比沒世妻子遵約鄉人賢以
爲難君嘗議獄上官指教再三君弗許再三上官顧
歎許舉京官君弗謝乃終弗舉後他上官率以質直
弗舉也二男子偉豪長有志行如君二女子歸晏脩
睦王令季有持操如令豪養寡姉妹嫁孤甥夫婦孳
孳鄉人又以爲難十以元豐八年某月日葬于唐州
桐栢縣淮源鄉實李柎臨川王其誌

宋贈保慶軍節度觀察留後追封東陽郡公宗

辯墓誌銘

卷九十七

公諱宗辯字慎微祖諱元佐是爲魏恭憲王考諱允
升太師平陽郡王謚曰恭懿公平陽第十三子生數
歲而平陽薨事母孝友于兄弟好讀書不舍晝夜常
獻所爲文得試學士院兄弟四人皆中優等遷官而
仁宗遇公甚寵嘗親書近親才賢好文博古八字賜
之公旣好書又嗜醫方所蓄方甚衆每躬自治藥以
振人之疾其惻隱不倦蓋天性也以熙寧元年七月
己卯終于睦親北宅享年四十六官至右衛大將軍

金州防禦使爵天水郡開國公食邑三千戶食實封五百戶贈保寧軍節度觀察留後追封東陽郡公夫人李氏封德安郡君贈尚書中書令漢瓊之孫子男十五人仲富右內率府副率仲尋右羽林軍大將軍黎州團練使仲綰右武衛大將軍雅州刺史仲瑄右武衛大將軍彭州刺史仲緘右千牛衛將軍仲沂右監門率府率仲琨右內率府副率仲富前公率餘亦皆蚤歿女子十九人嫁者四人未嫁而歿者九人餘尚幼也二年二月十七日葬河南永安縣銘曰

倚歟賢公蕃此皇國耀其藻章以貴明德能不外勩維家之飭厥承誥誥餽我無射如何不怡遂永窀穸

贈虔州觀察使追封南康侯仲行墓誌銘

公諱仲行字德之故婺州觀察使諱宗迴之子贈節

度使同中書門下平章事蔡國公諱允言之孫魏王

諱元佐之曾孫母曰齊安郡君梁氏慶曆四年賜名

除太子右衛率府率右監門衛大將軍爵天水郡開

國侯食邑一千三百戶年二十二以治平四年八月

二十七日卒贈虔州觀察使追封南康侯夫人張氏

封壽昌縣君子男士伉早卒士泉右監門率府率其

季與女皆尚幼君仁而好學其卒也宗室皆憐傷其

王臨川文集卷九十八
十三
葬也以熙寧二年二月十七日葬河南府永安縣銘

曰
爵之尊祿之殖維年之卑不配德

贈華州觀察使追封華陰侯仲虺墓誌銘

公諱仲虺字子厚濮國公宗樸之子濮安懿王諱允讓之孫曾恭靖王諱元份之曾孫也母曰蕭國夫人王氏以皇祐元年賜名除太子右內率府副率二年改太子右監門率府率嘉祐五年改右千牛衛將軍八年改右監門衛大將軍治平二年領嘉州刺史四改右武衛大將軍領雅州團練使熙寧元年年二十四以三月三日卒 上為不視朝一曰內出司賓祭弔贈華州觀察使追封華陰侯公生而秀麗長而聰敏於宗室為好學上承下撫無不得意故其卒哭者皆為盡哀妻馬氏封安平縣君女一人尚幼公以熙寧二年二月十七日葬河府永安縣銘曰維濮世封實承安懿公緒厥慶尚忠有嗣奄其喪矣一女之存歸銘幽宮以慰公魂

贈奉寧軍節度使追封祁國公宗述墓誌銘

公諱宗述字子耆韓恭懿王諱元偓之孫而東平郡王名允弼之子也以天聖元年生以景祐元年賜名

王師川文集卷九十八
十四
除右侍禁歷太子右司禦率府在監門衛將軍左屯
衛大將軍廉州刺史隰州團練使維州嘉州防禦使
熙寧元年正月十八日以不起聞公上幸其第奠哭
之贈奉寧軍節度使追封祁國公越明年二月十七
日薨河南永安縣公重厚寡笑言內行治未嘗有謫
樂振施知音樂善射尤爲東平王所愛妻任氏樂安
郡君子男七人仲璆仲俶仲誘仲疋仲醜仲璆早卒
兩人未名而歿銘曰
維德之嘉維能之多惟命之不遐宗室之嗟

右千牛衛 軍仲夔墓誌銘

君諱仲夔字彥之曾祖諱元佐是爲魏恭憲王祖諱
允言贈安遠軍節度使同中書門下平章事封密國
公父宗悅前左屯衛大將軍池州團練使祁國公君
官至又千牛衛將軍坐法廢熙寧元年年二十二以
五月二十五日卒至某年某月某日葬河南府永安
縣妻郭氏有六男子歿者四人士殯今爲右監門率
府率一人尚幼銘曰

託靈臯宗慶之多終以無祿傷如何棄此白日營山

阿

贈右屯衛大將軍世仍墓誌銘

君諱世仍字季遷宣城郡公從審第十子宣城以越
懿王諱德昭爲祖以安定郡公諱惟和爲考君母曰
渤海郡夫人吳氏實山南東道節度使元晟之孫娶
潘氏鄭王美之孫也年二十二生二男子一女以熙
寧元年八月二十三日卒於是官至右千牛衛將軍
制以右屯衛大將軍告其第用二年二月十九日葬
於河南府永安縣君授尚書能通章句然喜飲酒以
故得疾歿銘曰

有昭其明有韓其榮維其弗馮以順其生

新刻臨川介甫王先生文集卷九十九

墓誌

仙源縣太君夏侯氏墓誌

仙源縣太君夏侯氏濟州鉅野人尚書駕部員外郎
諱晟之子翰林侍讀學士尚書戶部侍郎譙公諱嶠
之孫贈太子太師諱浦之曾孫尚書兵部員外郎知
制誥知鄧州軍州事陽夏公謝氏諱絳之夫人太常
博士通判汾州軍州事景初之母年二十三卒後五
年葬杭州之富陽於是時陽夏及公爲太常丞秘閣校
理博士生五歲矣而其女兄一人亦幼又十五年康

定二年博士舉夫人如鄧以人于陽夏公之墓而臨
川王某書其碣曰

夫人以順爲婦而交族親以嚴爲母而撫滕御
以寬陽夏公之名天下莫不聞而曰吾不以家爲恤
六年於此者夫人之相我也於其卒聞者欲其有
後而夫人之子果以才稱于世嗚呼陽夏公之事在
太史雖無刻石吾知其不朽若夫夫人之善不有
以表之隧上其能與公之烈相久而傳乎此博士所
以屬予之意也予讀詩惟周士大夫侯公之妃脩身
飭行動止以禮能輔佐勤勉君子而王道賴以成
益其法度之教非一日而其俗不得不然也及至
後世自當世所謂賢者於其不能以獨化而夫人
卓然如此惜乎其蚤世也願其行治雖列之於風以
爲後世觀豈愧也哉

揚州進士滿夫人楊氏墓誌銘

揚州進士滿涇之夫人楊氏墓誌銘
著作元賓之女也年
六十有一以治平四年十月戊戌卒而以熙寧二年
八月庚申葬其墓左江都縣坊里之南原有子七
又建中居中執中存中方中中求中皆嚮學建中
壽州壽春縣令執中潁州萬壽縣令居中舉進士女

二人孫男女八人夫人人性溫恭不靜約事當意與否未嘗刑于喜愠以止有吾母也故思其父愈久而猶悲以不逮吾姑也故事其舅愈勞而不懈承其夫以順勵其子以善而況接于族人也也又能以惠振其貧以慈撫其賤以恕掩其過以篤收其悍老矣歲時尚先諸婦以莅祭祀蓋夫人之性不可稱者多至如此而其子又狼狽不已以求余銘故也為之銘曰
蒲氏有家保族衍大夫人來嬪德協內外夫喜而謂借我鮒背子祈以盡溫清之愛奚命之畸使棄弗逮維前之祥德則弗諛惟後之祥有一十才賢銘慰諸亦賁新阡

曾公夫人萬年太君黃氏墓誌銘

夫人江寧黃氏兼侍御史知永安塲諱某之子南豐曾氏贈尚書水部員外郎諱某之婦贈諫議大夫諱某之妻凡受縣君封者四蕭山江夏遂昌雒陽受縣太君封者二會稽萬年男子四女子三以慶曆四年某月日卒於撫州壽九十有二明年某月葬于南豐之某地夫人十四歲無母事永安府君至孝修家事有法二十三歲歸曾氏不及舅水部府君之養以事永安之孝事姑陳留縣君以治父母之家治夫家事

姑之黨稱其所以事姑之禮事夫與夫之黨若嚴上
 然眎子慈眎子之黨若子然每自戒不處白人善否
 有問之曰順為正婦道也吾勤此而已處白人善否
 靡靡然為聰明非婦人宜也以此為女與婦其傳而
 至於沒與為女婦時弗差也故內外親無老幼踈近
 無智不能尊者皆愛輩者皆附卑者皆慕之為女婦
 在其前者多自歎不及後來者皆曰可矜法也其言
 色在觀聽則皆得所欲其離別則涕洟不能捨有疾
 皆憂及喪來弔哭皆哀有餘於戲夫人之德如是是
 宜有銘者銘曰

女子之德煦願愉愉教隳弗行婦妾乘夫趨為亢厲
 勵之顛愚猗嗟夫人惟德之經媚于族姻柔色淑聲
 其究女初不傾不盈誰疑不信來監于銘

太常博士楊君夫人金華縣君吳氏墓誌銘序

錢塘楊蟠將合葬其母纘經以走晉陵而問銘於其
 守臨川王某王某曰古者諸侯大夫有德善功烈其
 子孫必為器以銘而國之人必能為之辭越國而求
 銘子未之聞也今杭大州以文稱於時者蓋有而蟠
 也釋其殯千里以取銘於子蓋所以嚴其親之終而
 欲信其善於後世如此其慎也子豈敢孤其意以愛

不腆之辭乎於是為之序曰故太常博士知婺州東陽縣事楊君諱翹字翰之之夫人金華縣君吳氏世為婺州之金華人自其大父文顛始有籍於杭州之錢塘而楊君亦自其父徵始去處州之麗水而為錢塘人而葬於錢塘之履泰鄉龍井之原楊君之卒也年六十七以慶曆二年十二月二十一日從其先人以葬而夫人後君十六年以卒卒時嘉祐二年年七十三而以明年二月二十日祔于楊君之墓楊君少以文學中進士甲科而晚以廉靜不苟合窮於世夫人有馴德淑行協于上下內外無怨楊君有子十一人其一人則孽也夫人母其孽子猶吳氏之甥雖鄉人之習于楊君者不知為異母既楊君卒教養嫁娶皆各不失其時而子端子蟠同時以進士起家為密和二州推官隣里歎慕以為夫人榮然夫人不為之喜也至楊君之弟子完及進士第乃喜曰吾妣老矣此亦足以慰其心也蓋其仁如此夫人生男女十人卒時子輔國子端與其女子七人皆已卒而蟠獨在為泗州軍事推官銘曰

博士有家夫人實紹博士有子夫人實教遊其門庭
弦誦之聲御其堂奧賓祭齋明皇命淑人維君郡縣

王臨川文集卷九十九
問名考德夫人實踐歸哉萬年博士之丘銘以昭之
無有春秋卷一百一

長安縣太君王氏墓誌卷九十九二

長安縣太君臨川王氏尚書都官員外郎贈太師中
書令兼尚書令潭國公諱益之女尚書左丞致仕贈太師張公諱
若谷之婦尚書比部郎中諱奎之妻國子博士硯開
封府雍丘尉慰視之母十四而嫁五十一而老五十六
而卒其卒在潁州子硯官舍實元封三年正月己酉
君爲婦而婦爲妻而妻爲母而母爲姑而姑皆可譽
歎莫能開毀工詩善書強記博聞明辨敏達有過人
者循循恭謹不自高顯晚好佛書亦信踐之衣不求
華食不厭蔬慈哀所使不治小過欲歸歸之欲嫁嫁
之君三女長不慧不可以適人其季殿中丞龔原妻
也十六年葬江州德化縣某鄉某里之原兄安石爲誌如此弟安上
書册

永安縣太君蔣氏墓誌銘卷九十九一

毗陵錢公餽公謹公輔公儀公佐以皇祐六年三月
戊子葬其母永安縣太君蔣氏方是時太君年七十
矣公謹爲鄭州新鄭尉公輔爲太常丞集賢校理五
子者卜明年之三月壬午祔于皇考府君屯田員外

郎贈兵部員外郎諱治之墓而具書使圖所以昭後世者叙曰蔣氏常之宜興人世以財傑其鄉而其族人以進士至大官者太君年二十一歸于錢氏以兵部君致其孝兵部君沒太君進諸子於學惡衣惡食御之不愠均親嫡庶有鳴鳩之德終不以貧故使諸子者趨於利以適已既其子官於朝豐顯矣里巷之士以為太君榮而家人卒亦不見其喜焉自其嫁至於老中饋之事親之惟謹自其老至於沒紉縫之勞猶不廢子婦嘗諫止之曰吾為婦此固其職也子婦化服循其法嗚呼不流于世俗而樂盡其行已之道窮通榮辱之接乎身而不失其常心今學士大夫之所難而以女子能之是尤難也女六人皆有歸德七人皆幼云銘曰

詩始關雎士莫不知孰能其家內外無違聞豈在多重善成於好於惟夫人孰輔而告婦功之脩毋道之行宜休而勸不耄以明紹良配淑式穀爾後勗哉其興以克有廟

建陽陳夫人墓誌銘 卷一百五

夫人建陽陳氏嫁同縣人余君為繼室余君諱楚有子四人其二人則夫人之子夫人之少子翼生三歲

而余君卒余氏世大姓也夫人盡其產以仁先母之
子而使翼之四方遊學戒曰往成汝志必力無以吾
貧爲恤於是翼年十五益在外十二年而後以進士
起家爲吏歸見夫人於鄉里方此時夫人閉門窮窶
幾無以自存母子相泣閭巷聚觀歎息曰賢哉是母
有子食其祿宜也蓋其食子之祿十四年翼尉宿松
而夫八年七十八以某年某月卒于宿松之官舍某
年某月某日葬宣州宣城縣鳳林鄉竹塘里夫人之
子長曰某死矣翼有文學善議論雖久困無所合然
一時文人多知之者其卒能追榮夫人乎於其葬臨

川王某銘曰

在句之陰有幽新宅誰筮葬母瘞銘斯石子聞余姓
母氏惟陳熒熒其行婉婉其仁善祿有終名則不泯

李君夫人盛氏墓誌銘

卷一百六

夫人盛氏其先錢塘人曾大父諱某某官贈某官父
諱某某官贈某官實始去吳有里籍於汴夫人之幼
季父文肅公稱其智曰宜以某字遂名之年二十三
歸隴西李某爲某官以後生三男子皆進士某某官
其季曰某女子四人其長嫁某官某次嫁某官某處
者其季也春秋若干先李君卒卒於寧海之官舍卒

之某年葬某所實皇祐四年夫人事舅姑以孝聞持
喪哀懼事齋飭卑衣食以其餘推親黨能讀易論語
孝經諸子之書親以教子子男女娶嫁必問賢否有
挾貴以請者李君輒不聽維夫人有助云銘曰
夫人之德順慎明祗來胥有家婦子師師維師之難
我敏爲之誰爲女史視此銘辭

金太君徐氏墓誌銘

大人天性篤於孝謹女工婦事不懈以敏恭儉有節
仁於宗族故以事其舅而順以相其君子而宜以臨
其子孫而治以有賢子大其家室其享諸福終于壽

考銘曰

婉婉女工彼徐之子來嬪金宗有衍其始鄙人大家
相望而有誰則無父無姑無母帝嘉汝子服位在朝
賜邑用書象首錦纈孝祗順慈俯仰皆宜考終榮祿
於慶有施偉歟夫人叶此銘詩

楚國太夫人陳氏墓誌銘卷九十一

夫人陳氏故鎮安軍節度使檢校太師同中書門下
平章事贈太師中書令兼尚書令定國文簡程公諱
琳之妻也陳氏世家壽春其先潁川人漢太丘長寔
之後也夫人曾皇考諱調左班殿直皇祖考諱誨皇

考諱京皆不仕而皇考愛賢夫人不欲以妻鄉邑乃徙居京師擇所居得定公以嫁當是夫人年十九定公尚爲進士其後公至將相終于位夫人用公自臨潁縣君九封而爲衛國夫人用公子加號陳國夫人再封而得楚國夫人莊而仁儉而禮上承下御無不得宜故在父母家爲淑女既嫁爲令妻其卒有子爲賢母公薨六年當嘉祐七年夫人年七十一以十一月戊午薨于開封武成坊之第室至明年二月甲申而公子以夫人祔于河南伊闕縣神陰鄉定公之墓於是公子四人嗣隆爲尚書屯田員外郎嗣弼爲國子博士嗣恭爲尚書屯田員外郎嗣先爲大理寺丞女子五人公壻榮諲爲尚書刑部郎中韓績爲侍御史晁仲綽爲尚書屯田郎中潘士龍爲殿中丞王偁爲試將作監王簿銘曰

程公克壯萬夫所嚮奮功發明乃取將相云誰公配媯姓氏陳文武自出太姬之孫歸佐休顯自公初屯序歷爵邑爲君夫人公旣樹毒縣以相爲伯帝曰嗇矣夫人好德能勸其夫使有嘉績往以朕命賜封大國出書五色珎首金葩褒之重錦來告于家有豫不怠有盈不侈致好内外具宜福履以伴仁鳴鳩以母諸子

歲時振振爲壽在廷手笏腰童亦有公甥維子之才而甥又獻維貴維富而兼壽善嗟此婉婉考終得願作詩并藏爲識新窶

寧國縣太君樂氏墓誌銘

卷九十八

尚書屯田員外郎通判河南南府西京留守司事陳君諱見素之夫人樂氏太常博士諱黃裳之子尚書職方員外郎直史館贈尚書兵部侍郎諱史之孫而贈尚書刑部郎中諱璋之曾孫也其先自京兆遷江南爲臨川人至李氏國除而史館君歸仕於皇朝子孫多顯者於是又遷其家爲河南人焉夫人以祥符八年歸嬪陳氏封萬年縣君又以其子封寧國縣君君年七十五以嘉祐八年二月辛巳卒于京師卅以三月丙寅祔葬河南唐興鄉屯田君之墓於是夫人之子男三人其一人爲太常博士集賢校理其一人爲秘書丞集賢校理其一人爲秘書省著作佐郎開封府戶曹參軍女子六人存者三人皆已嫁諸孫男女十九人曾孫一人尚幼也夫人少知讀書能略識其大指微諫數當故博士君特愛而賢之欲有所爲多與之謀及歸陳氏不逮養皇姑矣屯田君二弟皆尚幼也夫人鞠視如已子出奩中物以助施族人游

士之貧者蓋其家蕭然也而無愠色治諸子有節法
誨厲教督造次必於文學故諸子皆以藝自奮名稱
一時以至諸孫亦多有為善士先人與屯田君皆祥
符八年進士昆弟又與夫人子為同年友故其葬來
屬以銘銘曰

夫人既嚴今又順以祥來配君子今是生三良以才
自致今名聲之揚慶暨諸孫今學問文章象服命書
今寵祿方將氣竟天游今體魄存牀往營新宮今巖
洛之陽作詩幽石今示後無疆

仙居縣太君魏氏墓誌銘 卷九十九三

臨川王某曰俗之壞久矣自學士大夫多不能終其
節况女子乎當是時仙居縣太君魏氏抱數歲之孤
專屋而閑居躬為桑麻以取衣食窮苦困厄久矣而
無變志卒就其子以能有家受封于朝而為里賢母
嗚呼其可銘也於其葬為序而銘焉序曰魏氏其先
江寧人太君之曾祖諱某光祿寺卿祖諱某池州刺
史考諱某太子諭德皆江南李氏時也李氏國除而
諭德易名居中退居于常州以太君為賢而選所嫁
得江陰沈君諱某曰此可以與吾女矣於是時太君
年十九歸沈氏歸十年生兩子而沈君以進士甲科

爲廣德軍判官以卒太君親以詩論語孝經教兩子
兩子就外學時數歲耳則已能誦此三經矣其後子
迥爲進士子遵爲殿中丞知連州軍州而太君年六
十有四以終于州之正寢時皇祐二年六月庚辰也
嘉祐二年十二月庚申兩子葬太君江陰申港之西
懷仁里於是遵爲太常博士通判建州軍州事而沈
君贈官至太常博士銘曰

山朝于躋其下惟谷續我博士夫人之淑其淑維葩
博士其家二子翼翼萼跗其華說說諸孫其實其何
孰云其昌其始萌芽皇有顯報曰維在後碩大蕃衍
封牲以告視銘考施夫人之效

右武衛太將軍黎州刺史世岳故妻安喜縣君
李氏墓誌銘 卷一百二

安喜縣君李氏連州刺史贈太師中書令尚書令繼
昌之曾孫鎮國軍節度使駙馬都尉贈太師中書尚
書令秦國文和公遵勉之孫供備庫使贈安武軍節
度使端憲之子是爲皇族右武衛大將軍黎州刺史
世岳之妻溫柔靜恭內外親稱之治平四年年二十
五以十一月二十四日感疾死至二年二月十七日
葬河南府永安縣銘曰

懿懿獻穆下歸以祉有來肅雍施及孫子厥嬪皇宗
莫醜具美噫乎終藏兆此新里

仁壽縣君楊氏墓誌銘

卷九十九

太子中允致仕晉陵孫君貫之之夫人仁壽縣君楊
氏者其先青州千乘人曾祖諱元祖諱從皆不仕父
諱霖爲進士數舉不遂初徙其家常州之無錫夫人
年十七歸孫氏舅姑曰吾婦之承我也孝夫曰吾妻
之助我也仁至生子而成爲士能賢以有名則又曰
吾母之能誨我也自內外族親以至州里之言則又
皆以其舅姑夫子之言爲信嗚呼可謂賢矣夫人生

三男子伯曰舜卿季曰昌言皆早死曰昌齡簽書
廣軍節度判官廳公事治平三年自尚書屯田員外
郎召爲御史五月十四日次高郵而夫人卒享年六
十四以某月某日葬某縣某鄉某里銘曰
猗嗟夫人女德之茂中允之妻御史之母孝其舅姑
以順其夫又善教子終成御史官封偕老祿養卒齒
歸安新丘送者空里其哀無窮榮則多已

君諱某之妻北部員外郎儼古田縣尉侃衛尉寺丞

懿懿獻穆下歸以祉有來肅雍施及孫子厥嬪皇宗

刻臨川王介甫先生文集卷九十九終

臨川文集

賦文流自遠昔空里其哀無窮樂則多已

以則其夫又善於子然如嗚也官桂留步縣養率

前妻夫人文斷之效中武之妻嗚也之母奉其舅故

十四以某日某日葬其親某樂某里維曰

視宮為嗚也五日十四日入高嗚而夫人卒年六

將軍贈文氏官飄公事飲平三季自尚書也田負

新刻臨川王介甫先生文集卷一百

墓誌

鄞女墓誌銘 卷一百七

鄞女者知鄞縣事臨川王某之女子也慶曆七年四

月壬戌前日出而生明年六月辛巳後日入而死壬

午日出葬崇法院之西北吾女生惠異甚吾固疑其

成之難也噫

仙遊縣太君羅氏墓誌銘 卷九十九四

仙遊縣太君羅氏世家南劍州之沙縣祕書少監陳

君諱某之妻北部員外郎儼古田縣尉侃衛尉寺丞

卷一百終

臨川文集

佩同學究出身偉殿中丞偁之母年八十三以某年某月某甲子卒女一人適張氏孫男女若干人太君有賢行事皇姑蕭氏順焉諸妣慕其所爲後亦皆稱孝婦經紀內治能勤不懈以至於老少監君行治勞烈稱天下有施於後世其子孫蕃衍能中其家法皆由太君善相其夫而能教子陳氏之所以興太君與有力焉銘曰

嗚呼夫人有德有祉婦于嚴姑酒食燕喜乃相君子陳宗以興乃教衆兒有以賢稱樂其室家以暨孫曾歸然壽寵宜後之承

壽安縣君王氏墓誌銘

卷九十九

江淮荆湖兩浙制置發運使少府監廣陵孫君之夫人壽安縣君太原王氏其先自滄洲之清池徙河南世有顯人太府卿諱某者皇曾祖也庫部員外郎贈禮部侍郎諱某者皇祖也屯田郎中贈吏部侍郎諱某者皇考也至夫人諸兄亦皆爲郎尚書而多以材藝稱當世夫人好讀書善爲詩靜專而能謀勤約以有禮吏部君愛之尤而擇所嫁於是少府君爲大理評事簽書淮南節度判官廳公事以夫人歸焉皇姑曰自兒有婦內外族人加親而吾食寢甘焉少府君

材能為朝廷所信以至休顯其盡心外事不以家為
卹者以夫人為之內也嘉祐四年某月某甲子夫人
卒年五十三明年某月某甲子葬揚州之天長縣博
陵鄉皇姑之兆子男二人某某女六人一嫁蘇州節
度推官毗陵張誨一尚幼四先夫人卒銘曰
竭竭少府有儀有聲誰相其祁以迄休成維王淑女
順婦慈母內諧尊卑燕及婚友錦韜象軸告命之章
序章爵邑維榮有家方大弗祿以宜寵服嗚呼其祖
葬有吉卜

河東縣太君曾氏墓誌銘 卷九十九 五

尚書都官員外郎臨川吳君諱某之夫人河東太
南豐曾氏尚書吏部郎中贈右諫議大夫諱某之子
諫議君抗直以擯死而都官君尤孝友忠信鄉里稱
為長者夫人於財無所蓄於物無所玩自司馬氏以
下史所記世治亂人賢不肖無所不讀蓋其明辨智
識當世游談學問知名之士有不能如也雖內外族
親之悍強頑鄙者猶知嚴憚其為賢而夫人拊循應
接親疎小大皆有禮焉嘉祐三年某月某甲子年七
十四終於寢有子四人芮祕書丞蕢亳州錄事參軍
其次蕃蒙曾出也皆進士而蒙為濠州司戶參軍於

是黃蕃皆已卒芮蒙以某年某月某甲子葬夫人其
縣某鄉某所之原其實夫人之外孫而夫人歸之以
其孫者也涕泣而爲銘曰

靜專幽閒女子之方閱觀博考乃士之常猗歟夫人
學問明智其德女子其能則士我求于往孰與比齊
嗚呼公父穆伯之妻

曾公夫人吳氏墓誌銘

夫人吳氏太常博士南豐曾君之配世家臨川二十
四歸曾氏三十有五以病終子男三輩年宰女一特
博士方爲越州節度推官某年月日乃啓其殯臨川
葬南豐之某地前葬鞏謀於宗之長者而請於博士
曰夫人事皇姑萬壽太君承顏色教令一主於順婦
酌衣服飲食盡其力皇姑愛之如已女於大人得此
佐之宜於族人上下適其分今其葬宜得銘祕之墓
中於以永永延夫人之德無不可者博士曰然乃來
求銘夫人固早沒不及見其存時雖然博士先人行
也而又鞏於友莫厚焉於夫人之葬而銘也其何讓
銘曰

宋且百年江之南有名世者先焉是爲夫人之子碑
夫人於此於戲

樂安郡君翟氏墓誌銘

并序卷九十八三

尚書主客員外郎錢塘沈君名扶之夫人翟氏者鄂州節度推官諱希言之子太子左清道率府率致仕諱守序之孫利州葭萌縣令諱令圖之曾孫少則賢孝父母稱之及嫁爲婦則舅姑稱之如父母處娣姒能和以有禮畜妾御能正以有仁閨門雖上下順治自皇舅尚書公以才爲時用繼以主客及夫人之子而沈氏日大矣夫人之德善亦日以顯內外親皆悅服而歸之以謂其必大享爵祿終於壽考乃以治平三年九月十日卒于京師享年五十七初主客自

河北提點刑獄移知明州而長子方領開封府事治有異狀爲上所禮以夫人久疾請於上留主客

京師詔特聽留以佐三司於是諸名鑿治夫人無所不爲然終不起始封長安縣君進京兆樂安二郡君生五男三女男曰邁翰林學士右諫議大夫知制誥曰迴泰州軍事判官曰遼將作監主簿監壽州酒曰邀漳州漳浦縣主簿曰迺試將作監主簿女適祕書省著作佐郎顏處恭邢州堯山縣令王子韶太常博士監察御史襄行蔣之奇翟氏濟州金鄉人商州團練使守素者當太祖時親信任事族人因多爲武

吏而皇考獨好文學舉進士中第負材任氣不肯有所屈以終不得意夫人之兄嚴亦知名又早卒夫人傷其家替每獨歎息今上即位翰林守杭州其季舅惟康以奉獻得仕今為道州寧遠縣主簿夫人既卒詔以主客知蘇州十二月某日葬夫人杭州錢塘縣龍居山舅姑之兆銘曰

沈侯世獻得相惟媛歸嬪于宗誨子而彥相之斯何德則有儀誨之斯何慶則有貽始周姓姬後氏為翟於梁曰璜實佐其國至漢高陵又以才稱世降弗聞乃隋女子許公之妻公武之母昭於諡詩無盛與夷彼暴而興亦過其沮我以吾仁其昌孰禦槩概中台萬木如茨往從舅姑協我初龜

高陽郡君齊氏墓誌銘并序 卷九十六

夫人故翰林侍讀學士贈開府儀同三司王公諱洙之妻故光祿寺丞力臣今太常寺太視欽臣秘書省著作佐郎陟臣秘書省正字曾臣之繼母也齊氏好讀書能文章有高節美行治平二年年五十五以五月初三日終于亳州其子之官舍治平三年十月初八日祔葬于南京虞城縣孟諸鄉田丘里初夫人自哀早孤誓不嫁以養母及公失初妻諸子幼聞夫人

賢行求之曰是必能母吾子於是母兄強嫁之及歸
果能母諸子聰明而仁恭儉以有禮闔門欣欣無一
異言始封縣文安又封郡高陽而公卒即舉家政屬
之子婦齋居素服不御酒樂以至沒齒雖時為詩然
未嘗以視人及終乃得五十四篇其言高潔曠遠非
近世婦人女子之所能為又得遺令一篇令薄葬其
言死生之故甚有理齊氏祁州蒲陰人夫人曾祖諱
某故不仕祖諱安故不仕考諱永清莫州防禦推官
兄恢弟憚皆知名公四男一女女嫁尚書職方員外
郎陳安道夫人既善撫諸子而諸子亦多賢能致孝
於葬來求銘銘曰
在冀中山有孝李齊少孤恃母悲不忍離及以義
乃終順慈顯顯王公學問文章族為大家爵祿寵光
來繼來助其賢則譽銘詩幽宮以告齊終齊終有始
自其為子

同安郡君劉氏墓誌銘 卷九十八四

尚書戶部侍郎致仕廬陵王公贄之夫人同縣劉氏
女也父諱某祖諱某曾祖諱某三世皆弗仕然常為
州大姓方公少時夫人父知公必貴故歸以其子夫
人之在父母家既以孝聞及嫁舅姑又稱其孝能相

其夫以順又能畜其婦子以慈公當 仁宗時以御史見聽用閱天章龍圖樞密三學士夫人亦累封爲同安郡君治平四年十一月七日終于廬陵宣化坊之私第有二子儀殿中丞前死億今爲尚書都官員外郎女一人嫁撫州軍事推官蕭迅公之告老詔以億通判本州以養及是喪夫人能自致焉明年某月某日葬某縣某鄉某里銘曰

於美夫人明祇順飭來嬪王宗時執其德公榮在朝皇命所特出使入侍往來赫赫登爲大家自我承翼有田有廬偕老而息亦有孝子媚于朝夕噫乎終哉凡此幽宅

仁壽縣太君徐氏墓誌銘 卷九十八

夫人徐氏饒州浮梁縣人曾祖諱某某官祖諱某父諱某皆不仕夫曰尚書屯田郎中金吾諱某同縣人也生子十一人男四人君著君佐君卿君佑皆進士君卿今爲尚書職方員外郎女七人皆適士族孫十九人男六人女十三人已嫁者十二人曾孫男女二十四人外孫四十七人夫人以職方故封金堂壽安二縣君又封仁壽縣太君後郎中之沒九年享年七十七卒於池州官舍實治平三年八月十三日以四年

帝嘉四
句石刻人
之上

某月某日藏柩於某鄉某里祔郎中之葬夫人天性
篤於孝謹女功婦事不懈以敏躬儉有節仁於宗族
故以事其舅姑而順以承其君子而宜以臨其子孫
而治以有賢子大其家室具享諸福終于壽考臨川
王某銘其葬曰
婉婉女工彼徐之子來嬪金宗有衍其始鄙人大家
相望而有誰則無父無姑無母帝嘉汝子服位在朝
賜邑用書象首錦囊孝祇順慈俯仰皆宜考終榮祿
於慶有施偉歎夫人協此銘詩

永嘉縣志陳氏墓誌銘卷九十九

陳氏於蘇州為大姓夫人者太子中允諱之武之子
某官贈太常卿諱郁之孫左贊善大夫諱質之曾孫
而太常博士王君諱逢之妻也聰明順善動有禮法
以不及養舅姑也故於祭祀尤謹博士祿賜盡之宗
族朋友不足則出衣服簪珥助之而不言選飾妾御
進之不忘然博士終無子蓋吾聞於博士者如此撫
博士之兄子如已子哭博士三年未嘗如陳氏除喪
大貧顯者求以為妻族人強之不可又強之則涕泣
自誓居頃感疾以死蓋吾聞於博士之兄子景元者
如此然夫人之行非特出於二人之言凡習陳氏王

氏者皆知其爲賢而哀其志其封曰永嘉縣君其卒於蘇州以治平二年十一月九日年三十八其葬以三年十一月某日從博士於閭門之西原銘曰穀也從於此罌也隨以死歸義與命奚傷乎無子

王夫人墓誌銘

右侍禁知循州興寧縣事海陵周君諱彥先之夫人王氏我叔祖尚書主客郎中贈右諫議大夫諱某某之子年二十三嫁周氏嫁六年生一子澥而周君卒後十八年子濤爲祕書省著作佐郎知汝州梁縣事而夫人年四十八以疾棄世於梁縣子濤等護其喪歸以嘉祐四年十一月二十九日庚申葬海陵城北之兆夫人心莊而行厲氣和而色婉撫接內外親疏皆有恩意而於人終身不校嗚呼其賢如此銘曰於嗟夫人少濶憂祇專靜嘉好衆仇克協婦子祠春秋方胥有家裕厥羞不永于享其何尤序哀以銘款諸幽

右監門衛大將軍世耀故妻仁壽縣君康氏墓

誌銘 卷一百三

皇族右監門大將軍世耀之妻康氏故中殿崇班閣門祇候遵度之子祖曰廷翰皇任磁州防禦使曾祖

日碩皇贈左千牛衛大將軍以嘉祐三年爲宗婦封
仁壽縣君生一子令優爲右千牛衛將軍而以熙寧
元年六月九日疾病死享年二十有六自爲女子以
至於爲母卑尊幼長無所非議故於其死皆哀憐二
年二月十七日葬河南永安銘曰

芒乎其孰致而來奄乎其孰推而往爲之幽宮覆以
新壤魂浮氣游變化惚恍宛其德音尚可追想

壽安縣太君李氏墓誌銘

卷九十八五

新喻蕭渤狀其母授息總使來求銘以葬惟夫人姓
李氏於邑里實大姓曾祖諱某祖諱某考諱某皆弗
仕而曾祖以其孫憲成公故贈官至太子太師夫人
柔順靜專仰俯有儀年十有五而嫁是爲鼎州團練
推官蕭君諱蕢之妻年二十有二生渤淇澈三男一
女子而寡執節不嫁父母欲奪之不得卒就其男宦
學歸其女爲士妻孫曾詵詵饋祀裕如鄉人歸高稱
諺歎息治平三年渤用尚書駕部員外郎選主廣濟
河漕而夫人年六十有八以九月八日卒于東都之
私寢越明年某月十有一日合葬新喻某鄉某里於
是推官君以渤故贈右諫議大夫夫人封壽安縣太
君銘曰

君銘曰

有幽新宮在阜之陽慶旣造家乃終同藏共伯之妻
文伯之母於嘉夫人亦緒厥後磨石摘丹詒銘永久
右千牛衛將軍仲焉故妻永嘉縣君武氏墓誌

銘卷一百四

皇族右千牛衛將軍仲焉之妻故永嘉縣君武氏內
殿崇班掖之子故左班殿直昭遜之孫贈尚書工部
侍郎崇亮之曾孫年十八以熙寧元年十二月十四
日棄世以明年二月十七日葬河南永安縣君在襁
褓父母以爲婉及嫁節儉慈仁人稱之銘曰
象服之粲兮容車之皖兮歸于陵陂哀歌以相挽兮

摘銘壙石識幽以告遠兮

鄭公夫人李氏墓誌銘

尚書祠部郎中贈戶部侍郎安陸鄭公諱紆之夫人
追封汝南郡太君李氏者尚書駕部郎中贈衛尉卿
文蔚之子也光州仙居縣令贈工部員外郎諱怙之
孫以祥符九年嫁至天聖九年三十二以八月壬
辰卒於其夫爲安州應城縣主簿之時後三十七年
爲熙寧元年八月庚申祔於其夫安陸太平鄉進賢
里之墓於是夫人兩子彌爲祕書丞知潭州攸縣解
爲翰林學士尚書兵部員外郎知制誥一女子嫁郊

社齋郎張蒙山夫人敏於德計於禮事皇姑稱孝內
諸外附上下裕如鄭公大姓嘗以其富主四方之游
士至侍郎則始貧而專於學夫人又故富家盡其資
以助賓祭補紉澣濯饁爨朝夕人有不任其勞苦夫
人歡終日如未嘗貧故侍郎亦以自安於困約之時
如未嘗富鄭氏蓋將日顯矣而夫人不及其顯祿嗚
呼良可悲也於其葬臨川人王某爲銘曰

於嗟夫人歸孔昭兮窈其爲德婉有儀兮命云如何
壯則萎兮烝烝兮令子悲慕思兮有嚴葬祔祭配祇兮
告哀無窮銘此詩兮

王先生文集卷一百